



09956

弇州山人續稿卷之三

吳郡王世貞著

詩部

四言古詩

瑞禾詩


瑞禾美司馬屠氏也忠而見絀寬慈靖終爰
有嘉禾產自窆封是故美之

蜿若游龍矯若歸鴻入自巽方鍾為幽宮無叢葦蒼
無蔓迷陽芑芑嘉禾產此高岡此燥而岡彼濕而杭
惡乎宜乎天定發祥在昔聖臣誠不見明皇靈動變
弇州山人續稿卷之三

郊迎返風同穎之禾唐伯薦王王不自有以歸姬公
唯子之昔經營四方日篤不懈拱翼世皇角巾東
歸口不挂功含弘樹惇惠此家邦是故大歸上啓
帝總我聞寸田可蓄以耕培爾孫枝豈惟子躬是樵
是藁其滋必豐請用薦嘗標此蓋庸

燕燕詩

燕燕于庭其掠也適人以爲樂我知其憂惟壘之葺
而翼子是謀○魚魚在藻其泳也逸我知其憂人以
爲適惟餌之芳而口腹是迫○人樂其憂我則知之
出與利投劇與名偕或蕃子孫或壽考惟祺○我憂



其樂人安能度利令智昏名令實削或子孫我役或
壽考我縛○憂樂之來匪我敢掄我不自天亦不自
人澹兮寂兮以葆厥真

右燕燕五章章六句

帝省禮門頌張毋也毋寡而貞底孺於成行年
七十祝之使養祿也

帝省禮門爰毓之祥俾女於宋而妃於張宜爾宗桃
宜爾舅璋○帝寧不勤恤而張是痛有鳳九苞殪於
天衢琢之劑之試以百罹○莫苦匪茶視汝則薺莫
畏匪醜視汝則醴先君之思以勗孺子○伯孺而穀
拿州山人續稿 卷之三 二

先君所衷夜如何其誦聲隆隆惟此誦聲若自杼中
○戰戰栗栗以保七袞雖則七袞皎若一日祝之釐
之不家食吉

右 帝省五章章六句

樸庵詩爲顧生作

子有精廬有巢是師結繩爲樞剪茅而茨太樸不琢
以還吾天雖有輸倂巧曷施焉太樸不飾以保吾素
雖有五采曷如其故蛾眉自妍混沌畏之身旣隱矣
安用文爲子庵曰樸請對以默詩不云乎不大聲色
貞以沈魄荷蒙真師上援聖祖大士慈念拯拔

方圖且夕供奉而喜知識殷子以補陀落迦
山全像見贈妙好端嚴種種具足感慰之深
聊述四言一章爲謝

昔我大士無央劫前從音入道超諦妙圓上等佛慈
下同衆虔三十二應一一現全燦迦羅首八萬四千
清淨寶目母陀羅臂毛孔世界亦復如是普度有情
廣施無畏爰有巧工陶甓爲器補陀落迦色肖咸備
如佛世尊說法叨利旃檀表憶妙好無異惟貞小子
下土磯臣賴我慈祖賜拔沈淪甫事薰脩忽徵勝因
悅扶沈鷺中現金輪始悟寸衷欲仁得仁貽者商京
弇州山人續稿 卷之三 三一
結善識根靈鷲之顛舍妄歸真
以雙玉杯假敬美暫留趙吳興所書蓮花經成

此

漢有雙璜以爲雙竿其劇若縷督澤而古侍女于行
酌彼清醑吸醇暢觴如觀伯雅汝奉蓮經佛所秘語
其興筆之則羣玉府我幡我誦如奉慈父綉女緉縹
又似觀女比及三載各復其所由證入悟筌蹄是舍
而况茲器視等直土吾言亦贅一笑首頰

世貞舊嘗供奉三教聖容朝夕參禮近慕鍾呂
七真之事方擬募工圖寫而信陽王太史忽

以元人名蹟見遺精彩煥發驚感之餘聊成
短述以謝

惟古先生無上法言憫衆爲卑超萬爲尊我祖文宣
師資玄元因機現用派別流奔迷者相讐悟則一源
我儀圖之在三誼存玄元之秘誰歟扶馮東華震器
雲房仍孫呂創大還混跡乾坤劉辭貴卿不嬰嫁婚
是皆入室矣豈窺藩默開重陽遂探化原匪禪而禪
高研道園法子法從上爲詰昆七葉金蓮况湧朝曦
疇萃一圖如百寶盆悟大參同闢不二門玉局侍臣
遙種慧根用彼昭昭啓余昏昏何以爾之至仁無恩
弁州山人續稿卷之三

四

應襄王教題木石居

遠游不御黼袞不加有栴不刻有階不華坐倚磐石
行倚喬柯其去野人能復幾何一聞善言沛若江河
慕彼側微削此巍俄仁遠乎哉欲之卽至舜何人哉
爲之卽是

應襄王教題觀園樹

陽春被天冠此王圻吾王不游民何以怡循覽靈囿
亦有靈臺灌木崇霄祥卉覆階白雲英英黃鳥啾啾
育物對時靡悰不諧陋彼田齊周文是儀

張伯子五十壽言

昔在世皇肅外臺綱誰其蓋臣乃有二張等彼二
荀叔慈慈明慈明內潤智以仁藏積厚而鍾伯子發
祥惟我伯子雋聲英英立破萬卷躡百氏場吐爲藝
文陸離沈洋中權所指鋒孰敢當薄游賢關謂錐處
囊天恠搏扶疇適雄飛歛爾壯心杜爾德機不順以
施日勝而肥懷珠川媚蘊玉山輝君曰寧爾容彭所
希黃金爲餌同類爲妃駮虬御鸞翱翔九圍人有恒
言五十知非君知其非大雄是飯離照中天萬燐息
輝誰縛誰解何順何違六轡在御惟汝指麾不慕獨
覺寧希小乘不貪轉輪何況小榮著爲微言撇捩縱
弁州山人續稿卷之三

五

石禪齋詩

友人卓徵甫作高齋曰石禪居士欲輦天目
山柴煨此石作灰不若以數語解之

以禪呼石石不點頭詰石爲禪禪笑不休禪亦強名
况石贅疣石在汝臆滿汝西游曷不推碎置之東流
自在無礙蕩蕩悠悠汝旣堅頑如石水投取指譬月

求劍刻舟石言則妖我何曉曉飛霞洪鑪才點即消
中冷館詩

天一之精滙爲天潢播於人間洵廣且長九曲曰河
九派曰江止水之潘中冷最良武昌王孫鑿井其城
濯彼心魄導之清澄爰蔭崇館爰飾嘉名何必金山
始爲中冷惟此中冷與阿耨水長安帝城乃有二異
時無萬廻且鮮太尉沈冥其中曷識真味

五言古

二友篇

吾取友於天下李于鱗以文字寔伯仲焉楊仲芳

舟州山人續稿

卷之三

六

之以節義相切磨亦庶幾也不幸中道棄我今者
賴天之靈元馭拔我於雕蟲而進之 太上刮濯
而就之我友也實我兄也敬美匡我保我弟也
實我友也元馭尚矣收敬美於出處之後夫誰能
以僭譏我

王宗伯錫爵

太原吾閭彥弱小負靈植三館抗清標八座廻正色
步武鼎鉉間棄之如遺跡榮名冠寰宇給紳所趨翼
望望若將逸空空類無識五十孺子慕扳哀變原栢
伊余麻中蒲謬充他山石晚途乍折節感此三不惑

芟荷良可依薇蕨足充食荆玉竟夕輝恐爲世工得
吾弟學憲世懋

吾弟一世才孝友復天性感慨家難餘需徐傲時聘
興文良鬱跂流翰亦彪炳熟復循吏篇所蒞必響應
人誦關西學家傳豫章政一戢穰豔規夷然遂無競
稍闡墳素業頗寄農圃興所患余有身衰來遂爲病
起色待爾發肉枯寧天幸竊從毛君教相將訪真境
重紀五子篇

余昔爲五子篇則濟南李攀龍吳興徐中行南海
梁有與武昌吳國倫廣陵宗臣其人也已而其友

拿州山續稿

卷之三

七

稍益則爲後五子篇豫章余曰德歟汪道昆蒲圻
魏裳銅梁張佳胤汝寧張九一其人也蓋三十年
而同矍圃之觀去已半矣今其存者位雖有顯塞
而名業俱暢志行無變蓋懽然欣然之感一時集
焉故爲五章以追志之

汪司馬道昆

司馬誠國器豁落不庸庸兼濟文武資南北倚折衝
愛弟若一身憐才見春風五十佐元樞猶在塞與通
高卧黃山表健筆吐如虹珠璣走荒裔金石耀幽宮
如發汲郡藏孰當檀左鋒自余友太原忍然畏雕虫

濟南貴葉玉物論時不同所以千秋葉唾手歸宗工
吳叅政國倫

昔我先司馬列棘遴楚士于時獨明卿褒然拔其萃
拓落厭時趣縱橫富篇製已窺正始格復探作者意
失鵠必反求貫革有餘銳頗餘東方譴不作公孫媚
吏道亦自工時遠巧相避二始稍見收三斤竟成蹟
桃李傾驕日幽蘭自蕉萃開徑焚口田賣文成活計
却問諸少年疇能一兼諸

余憲副曰德

德甫宦不達銜饑卧西山散髮聽樵歌輕舸弄潺湲
弁州山人續稿

卷之三

八

寧無臨川屐不踏城市間舉世稱高節吾獨歎微言
昔聞雙井徒竭槩趨險艱旦夕費雕鏤不救巖石頑
解曾一決之濁流遂汎瀾左蠡稍自清匡廬出孱顏
遂今洪都瑟疏越表三歎正始豈必多濫觴良亦難
張御史大夫佳胤

岷峨孕才秀銅梁嗣臨叩昔托秬苑盟均年如弟兄
豈無竹林雋坦陀讓山公處則若淵停沛則九有豐
五領開府節三奏保障功談笑杯俎間立除肘腋竟
旣表文士用復解書生窮追鋒一召入立拜留侯封
黔黎旣羶悅翰管亦景從而我獨何爲豐壘稱赤松

張中丞九一

胎簪昔中折桐栢亦洎洎張生一振之矯矯遂無前
平原稱盜驪霜夜拭龍淵昔與宗生角推鋒互瑕堅
一矢銀潢漏再矢月脇穿雋聲絳灌耳淪落二十年
晚途始見收改服事戎旃密餌間闕氏飛書降右賢
山甫城朔方吉甫頌其賢自非如椽筆疇能勒燕然
末五子篇

余老矣蝸處一穴不能復出友天下士而乃有五
子者儼然而以文事交於我則余有深寄焉自此
余不復操觚管矣夫汝師者嚮固及之然而未竟
弇州山續稿卷之三
九
厥詣也是以不訪重出云

趙太史用賢

天地有完氣汝師乃鍾之苦心爲人綱九鼎係一絲
杜門從耕牧歆然不矜持順風禮空同再拜稱天師
謂曇陽子也 偃仰思立言餘工猶下帷百子雜毫端弭節
爲我馳竊窺中興象在起八代衰

李叅政維禎

本寧名家後况復產郢里高倡白雲言誰能不披靡
弱冠白虎帷授蘭平津邸絳灌中自疑素伏能無詆
遷地邇長沙移官逾二始一乘西京鐸洋洋復盈耳

賜環夫豈難懷璧不吾以

屠儀部隆

屠郎天下才著作日不休如叩海人居一券萬金鼎
錯落多夜光魚目非所憂仰窺二都闕悅與六代游
麈尾有真銓清言凌素秋芥彼區中士釋我薄書郵
割榮差爲力挫名方乃優

魏博士允中

昔余游天雄毫翰殊寂寞懋權起諸生朗若鷄羣鶴
甫薦博士言遽申風雅托歌鹿冠神京儀鷓瑞阿閣
逶迤霄漢表猶能念丘壑片語垂光景千秋縱揮霍

弁州山人續稿

卷之三

十

季君何沈沈長君正諤諤

胡先輩應麟

胡郎天挺豪弱齡富篇咏突窺濟南室擺脫信陽境
高嶺秀繁條何所不輝映順風揚妙音疇能不傾聽
沈思窮正變廣心饒比興牛耳終自歸蛾眉竟誰並
已覩千仞翔徒勞衆口競

四十詠

諸賢操觚而與余交遠者垂三紀邇者將十年不
必一一同調而臭味則畧等矣屈指得四十人人
各數語以志區區大約德均以年才均以行非有

所軒輊也

皇甫僉事訪

安定饒世業入龍得其半叔氏獨挺出與辭恣璀璨
齊梁大篇錯錢劉小言冠時嗟安仁拙終籍長卿習
巋然魯靈光拉邏非所歎

莫方伯如忠

俯仰子墨林所覩無長者莫公豈不文宛若田父社
有抱不自璧雖完詎爲瓦饑來翫清泌衡門亦瀟灑
時藻汰欲空居然餘大雅

許長史邦才

弇州山人續稿

卷之三

十一

殿卿若春風所拂無不柔酒德日頽然禪語聊厭酬
耕我謹陰田愛此鵲湖幽楚璞不自貴良工琢爲瑤
取友何必多一李成千秋

周山人天球

碩果寒不食詞林見前輩典刑足禦俗文彩亦被世
一工臨池業碑板光四裔義取無虛月筆耕盡良歲
却顧迂叟謀寂寞身後事

沈山人明臣

嘉則少負奇從事車騎幕俠氣貫秋旻藻詞麗朝甕
千人廢喑鳴百氏從揮霍屠子一代盟朱生九原諾

族貴文亦就是以不落莫

王太史祖嫡

太史瑚璉姿葆真鏘光相與余一談秣瀟灑神俱王
傾蓋豈必深慨焉成辨藹蘊藉叔度流縱橫東京上
疏草就磨滅苦心將誰向

劉僉事鳳

西京祀以遠浸淫成六季楊馬雖沈淪餘波尚綺麗
子威負奇者冥搜復傷綴遂令一代業燦若雲錦製
所虞白鳳凰飄颻毫端逝

張先輩鳳翼

金州山人續稿

卷之三

三

伯起初藝成白晷美少年一芥墨池藻衆工歸我姪
薄游燕昭臺典盡剡溪船自謂千秋業不假公車傳
晨著潛夫論夕奏鐘期絃

朱王孫多贖

天潢無濁流洪都饒國琛宗良雖晚成力窺作者林
窮搜自冥合有造必苦心飛書漸寂蔑神交豈在今
垂當忘言際聊以表知音

顧山人孟林

至人不皮相文士不滅跡山甫一荒倉而乃癯山澤
雖謝伯鸞春尚輸柴桑穫日暮負薪歸商歌中金石

猶有身後名豈肯一沾臆

殷進士都

無美攻六藝乃在卅角豈濩落四十年識者亦爲疑
快氣標肺腑壯心見須糜跌宕詞翰林燁燁吐色絲
異時平津拜不言公車遲

穆考功文熙

穆君義俠人強被名教用有才思挽俗信已必違衆
幡然悟此身收爲千秋重力鞭北地足與追少陵鞞
千里在毫髮遜心敢忘諷

劉先輩黃裳

弇州山人續稿

卷之三

十三

諸賢世 皇朝重慶冠時選俊鷲搏諫坦彩駟躡文
苑餘志屬象賢鳳毛何宛宛賦海幾玄虛談天類鄒
衍襜褕故未報托寄良非淺

張太學獻翼

吾憐張幼于天才尤卓絕十六游龍門謂文氏也遂富長
者轍結客聊自媮治生非所屑詩登上卿席名綴下
士列疇不和朱絃誰歟賞白雪

王太學穉登

百谷命世才興文自綺歲旣饒江氏錦昔新許公製
款段羣蹠躑躅駟瞥先逝月旦搖吻間風烟染毫際

詎學空門子無諍入三昧

王山人叔承

詞苑足庸立王卽獨奇骨有吐必匠心徃徃自天發
以此振俠聲所友必賢傑貴者雖自貴視之同毛髮
一醉卽陶然相將向超忽

周選部弘禴

周生應公車故多天人畧駘蕩一世名匠心成述作
上書欲有陳雅非絳灌樂鼓雪停楚雲秣蘭芬叢薄
毋聽漁父談清時寧渡落

沈尚壘思孝

弇州山人續稿

卷之三

十四

百年一羅生弱絲係九鼎繼者四五人純甫尤耿耿
出日瘴霧披清霜毒炎冷賜環豈不榮栖遲還定省
三復行成篇令人貴五嶺

魏考功允貞

考功昔在臺屬當鼎革際再疏輕逆鱗必取第一義
旋返長沙謫小窳絳灌議東省一冰壺清光鑠群媚
穆如新詩來知君不遐矣

喻杭州均

邦相強項人焉能事言路流落湘楚間深衷托騷賦
循吏足自寬文苑雅相慕登我侪山堂握手遂成故

嫖母猶在宮母使蛾眉妬

鄒黃州迪光

吾愛鄒齊安才行一何姣有造必開先微言窮窈眇
春至赤壁青霜落大江小人云江山助所得殊不少
却笑眉山公晚來未了

余明府翔

陶令謝彭澤余今辭全椒俱言以酒廢無乃爲折腰
陶影不出山余跡不入里當其傀俄時千載如一軌
新詩亦自佳能諧世人耳

張將軍元凱

弇州山人續稿

卷之三

十五

時平介冑間風雅亦一詣我憐張將軍擺脫謝流輩
傷采元嘉風不踏會昌地捲白氣若麤殺青心自細
試問錦鷓鴣已從酒家質

張京兆鳴鳳

羽王拙宦人沈精托文稅頗脩鄴下言突過景龍際
沾沾意自伐汲汲取相媚十載七徙官青衫轉成敝
徒今五彩翰零落偏荒裔

邢侍御侗

齊風故僑志子愿乃温然書探會稽室文匠東京前
抗志凌九霄降體納百川伊余安時汰君子衷所憐

邁若飲醇醪睽若思嬋娟

鄒吏部觀光

吏部弱冠年其名已張楚藉藉尚書郎小遂厭珪組
晞髮朱鳥顛探珠驪龍府巖壑與廡廟但悟卽千古
毋泥五君篇溪刻徒自苦

曹山人昌先

曹生菰蘆人鬚作蝟毛磔孝友自天就俠游聊寄跡
睥睨一世間降心見超識玄依子雲閣相卜湯源宅
鐵網沈珊瑚冥搜十年得

徐太學益孫

弇州山人續稿

卷之三

十六

徐生顏溫如骨節不茅靡興詞雖沃若所造有根柢
拂褻平原門掩關騾騎里不爲造物弄儵然事名理
勗哉出世資毋輕慕才鬼

瞿太學汝稷

瞿生狀眇小氣雄三軍帥有志必自酬無鋒可今避
合掌西竺言興文遂餘事禪那有四病宗門無一字
却問阿難陀恐爲博聞累

顧太史紹芳

女家不乏材顧生尤翹楚一賦迴帝顏群姝讓眉嫵
視草緩銅龍橫經高白虎歸卧崑山陽夜光未輕吐

時俗易爲工遜志在千古

朱王孫器封

王族饒天藻舊條困宗正子厚舞象年奕奕著才行
太息自試表含軫黃初今不睹曹子桓覬握真宰柄
感此有盡年劇稱文章盛

黃先輩廷綬

昔予忝晉棘所薦多名士黃生獨袞然博雅輕流輩
惠我錦繡段示我瑤華製苦心濟南室轉與時趣避
爲汝一解嘲知希身轉貴

徐司理桂

龔州山人續稿

卷之三

十七

司理宦不達遂作身後計嘔心出奇語意表見新致
擺脫塵中好雕鏤千古請放情山水間虛舟了無繫
晚合未爲遲逼人良可畏

王山人伯稠

王生托清狂貧不解工俗對客無寒暄七筋恣所欲
及乎命筆時紛紛墜珠玉秀色若可餐清音宛相屬
忌者攻其瑕雖瑕意亦足

王茂才衡

太原人中龍有子汗必血蹠跋秣苑場歛爾電同掣
雋聲亦麋至雅非衷所屑物表托金蘭塵中瑩冰雪

置余父子間孤蓬亦成節

汪太學道貫

仲淹司馬弟友于一何篤不作阿奴攻但經平子目
心期偏帟布酒語易肝腹折節西京言翩翩標二陸
遂今猷中植芷蘼亦芬馥

華太學善繼

孟達才故饒結思在幽沈江左有新契中原非故欽
澹爾秋山色冷然流水音有弟能挫名轉跡入青林
未却方中軌焉知塵外心

張府幕九二

弇州山人續稿

卷之三

十八

吾愛張中丞頡頏有難弟窺豹昭蔚文食牛吐生氣
人傳火攻橫不曉壁聯貴彩筆生縱橫青山晚憔悴
躑躅手板間猶歌蜀道易

梅秀才鼎祚

梅生抱超識雅復與才會上下千載間有造無不詰
嫋娜出餘態泓渟饒深致三十而逢掖同學多已貴
長卿寧當過過乃揚得意

吳文學稼澄

中丞昔談藝磊落在嘉靖季子甫離髻豹文已彪炳
寧唯代爲箕其力乃超乘突過元和表窮探杜陵境

游汝父子間令人淚潛逝

八哀篇

八哀者吾郡八人也皆長於吾皆屈年而與吾善
初以不盡同調故畧之今先後逝矣當時亦不覺
有異屈指眼底漸鮮其倫不勝山陽酒壚之感因
次第咏之共八篇

陸徵士治

叔平少俠游秉志乃自絕丹青雖餘事亦足走世人
種菊支硎傍不與俗客親挾余兩洞庭一一貌其真
墓草漸已宿其跡猶若新

弇州山人續稿

卷之三

十九

彭徵士年

孔嘉麗文辭耿介獨天賦脫屣公車門掩鼻平津府
與余雖晚遇濶達成爾汝酒德時温然令人感叔度
每愧墓中言未足 千古

文學正嘉

休承名家後無所不具體既衍子墨流復工丹青理
晚節始挂冠餘暎被桑梓客携問奇酒門多乞言軌
八十而委化翕然稱趾美

陳方伯盜

子兼性坦陀友余寔忘年豈乏一世用沈冥文酒間

上書謝不任歸耕太湖田右伯亦已尊家具尚蕭然
至今綽楔表蛟龍鬱相纏

陸尚寶師道

陸公昔射策 天子異其對世路方易工悠然成孤
退折節酬古歡暢情在游藝既成一家言聊滋暮年
味鳳德匪遽衰鴻心終何異

黃山人姬水

淳父負奇癖形骸更土木傷時伯鸞噫感遇嗣宗哭
嘔心一錦囊瑰麗時自足霏霏吐屑金宛宛成葉玉
豈不悟千秋眼底怨局促

弇州山人續稿

卷之三

三

顧山人聖之

李狂爲諸生避仇夜中走自詫愴頰雄不操吳音久
頗鮮鱗甲腹僅餘雖黃口大曆元和間縱橫無不有
歸骨閩天長遺編知在否

錢布衣穀

叔實事丹青徃徃得其意雖游文翁門厥禰繇沈氏
藏書盈萬卷一一手銓次伏枕歸嬰兒母亦造物忌
生亦無異人死還知汝異

余自解節歸耕無事屈指貴遊申文外之好
者得十人次第詠之

素太常洪愈

抑之司徒裔秉操更清絕當其謝九卿依然卧寒雪
坦陀若可親磊柯竟難悅逃名雅非意名至亦不屑
事事皆愧君難從世人說

劉大司馬光濟

伊昔歌鹿年公兄我如弟詆蕩寬酒德參差借宦軌
北風吹轉蓬升沈自茲始何言伯同命乃繇巨源啓
竊窺上臣心非繇植桃李

陸廷尉光祖

廷尉負雄辨袞袞不可竭乘時握銓衡所登必者喆

弇州山人續稿

卷之三

廿一

骭麟平津門栖遲步兵轍篇章亦流暢要非中所悅
竊慕西去津將無東海筏

胡中丞執禮

中丞夙精悍斤斤握銓柄未底不惑年賜履徧吳境
精心揆伏匿用重抑貪橫何來鬻絲毀遂諧輿人詠
一疏表遺直庶幾松栢性

趙少宰賢

昔余客武昌詣臺受束約夫君寔同好居體意相托
天然珪璋器何必問雕琢乘時佐銓府和光聊畫諾
循吏乃其餘映照亦不薄

徐中丞學謨

中丞雅自負珠玉生唾咳出牧抗悍王黔黎有深愛
開府襄漢濱與余寔爲代上相匪自今夙昔蒙眄
推轂故亦公登樞寧無待

劉廷尉一儒

劉君瑚璉姿溫文實天至避歲時自遠履榮恆若免
於物不取羸苦彫有深契論交何必數一面亦自慰
致語何必煩默默兩相貴

顧廉憲章志

勝流奚必遠居然在親故孝友出名家之子饒遠度
兼州山人續稿卷之三

廿二

托隱不違俗禦華時抑素天意篤象賢翱翔巨雲路
物情漸麀集巖穴安得固

李叅政頤

頽仰天地間有才不易真李侯治吳興押闔迺如神
秋霜有時抑春雨靡不伸酒語時啓予衰魄爲之振
安能托宇下朝夕庇斯人

郭中丞思極

郭公交若淺三吳自深惠精心拊黔首眈眼攝墨吏
昔者攬轡餘今茲杖鉞地欲發未發辰千人萬人淚
卽今負俗譏濁溼有清渭

弇州山人續稿卷之四

吳郡王世貞元美著

五言古詩一百首

詠史

余自庚辰夏病目不能多讀書兀兀匡坐因
紉腹笥諸所憶史事有概於中者得八十餘
篇咏之蓋又二年所而時變種種直言之則
不敢置之則不能忍乃復借史事之相類而
互發者續之又得二十章遂成百章大較賦
十之七比十之三雖脩辭不足而托牒有餘

弇州山人續稿

卷之四

矣

唐帝既見幽重華復南放僂益啓始邦刺尹甲仍王
齊東語雖詩汲冢指有嚮玉璽出未央王壇崇許上
其意甚征誅其名猶揖讓既濫僭竊觴寧免野人誦

其二

大禹賢繇稷退然推百揆九官十二牧濟濟復師師
晉卿勉爲讓汰者亦不遠鄭侯惡平陽易箕乃不私
如何鼎鉉間腹刃日相排既安成功退起獄復中之
天道亦昭昭循環無已時

其三

唐虞建官百夏商始加倍周官固蕪攝迺不爲祿計
王畿僅千里紛紛錯采地但讀妖莽書可望亡新治
爲食裁冗官省官仍省事任怨理則然曲徇反成累

其四

許由辭四岳高蹈箕山側飲水而棄瓢誰能伺其跡
千載一羊裘吾恨堪物色圖南就嘉徵通明叅秘畫
自爲大藥資終招隱淪擿

其五

太公有丹書於道若卓爾剪殷首駿勛開齊垂世紀
陰謀實種種安能塗人耳信史未敢憑吾聞諸夫子
弇州山人續稿

卷之四

二

變魯標深譏觀樂示微旨卻美齊桓正尊王固如此

其六

韓起執晉政下臨東諸侯所覬一玉環再請再不讐
辭者旣引義聽者但包羞巖巖魏太子旦夕宰神州
所獲一玉珎卑辭謝鍾繇承相時晨起中卽或晏休
充庭盡璆琳但領不問焉似移勃律河拱置車門頭

其七

穰侯太后弟勛賢無與倫握秉五十年山東半爲秦
唾手奪相印咄咄一旅人輜重東出關黃金賤於薪
人生畏失職所憂豈在貧應侯功不多况乃踈間親

解綬不待晚脩然保其身

其八

翩翩原嘗輩散金買虛名獨有魏公子好義復知兵
取士識其真肝腑爲之傾一戰邯鄲完再戰大梁寧
五國從若風強秦閉峭崿積弱幸以強昏主墮維城
身死社不木異代感英聲

其九

秦皇與漢武雄畧蓋一世如何求神仙畢死不能致
醇醲日濡首二八更代侍一念殺機發九有爲腥穢
於力豈不饒於道轉成悖所以雪山翁先辭轉輪位

弇州山人續稿

卷之四

三

其十

商君挾強力焉能使秦王牖下亦已隴華袞徒滋謗
如何羣小謀復樹中丞相仲達策有走燕公讐可忘
人巧一旦伸天威疇能抗萬事翻覆手雖變理非訐

其十一

戰國一子輿其德幾素王仁義不獲施千載訾齊梁
侃侃程正叔矯矯朱紫陽宋室有遺恨不登中書堂
造物護其偏欲令見所長微言在竹素千秋揚耿光

其十二

孫吳工用整起翦工用強神哉淮陰侯變化乃無常

舉目盡烏合出手成龍驤百戰取中原黥彭那得方
精誠拒武涉小謬請假王高帝撫孤雛魂魄憂未央
見謂高烏盡謂可良弓藏遺恨在匈奴冒頓驕大荒

其十三

石乞相白公能使楚社傾事覆不庇身怡然九鼎烹
王邑衛漸臺父子死漢兵磔肉縣五父狗亦厭其腥
淫女狗所歡一死猶勝生不覩西市倡改服奏銀筭

其十四

漢祖提一劍西行取天下所過降名城疇非背王者
兩賢豈相阨丁公悔其捨刑賞在須臾迺復爲名假
弇州山人續稿卷之四
四

不然賣國兒頃伯開茅社寧如我

高皇福壽獨褒借

其十五

韓彭旣已族蕭相請室歸留侯始長嘆赤松將見依
受劫建成侯桡事亦已危幸辭高皇網後受呂后羈
百穀土地腥旣辟復食之商山自有人四皓了不知

其十六

秦始脩封禪白骨尸撐連漢武脩封禪宇內盡騷然
開元脩封禪妖女孽其間文彩塗人目萬眸自睞睞
隋帝旣平陳能爲長者言虛言誣上帝薄德報名山

其十七

孝武驅三方快若風掃翳及乎遇匈奴往往不得志
長平既雄武冠軍復慄銳橫穿單于幕直奪金人祭
拓地城五原雪讐光九世是時李飛將子長所深寄
天幸與數奇片語成軒輊竟令撻伐威寥寥無可記

其十八

項羽千載雄淮陰萬人敵兵謀歸蒲山盜道推建德
友諒據上流勢壓江南坼或臣或假手或抗苦相扼
天顧要有真人巧無不悉寧知羸與趙攻瑕易爲力

其十九

龔州山人續稿

卷之四

五

魏其旣罷相武安客如雲獨有灌太僕捐身奉故君
長平事勢改舍旃趨冠軍誰如任司直膠漆逾不分
寸心旣無負薄俗亦少敦信史表其賢異乎吾所聞
七尺人自有安能老宅門

其二十

漢武鞭九有所寄三腹心公孫爲丞相脫粟一布衾
張湯爲大夫家不滿千金弘羊爲搜粟鈞較窮飛沈
橫賞五十年民力猶可任卽論守與才隱然亦國琛
古人不足古今人良愧今

其二十一

李廣僂降羌百戰侯不成虞詡傑降羌百口不一增
所以辛酒泉終屈趙營平天子誅南越霜戈蕩烟箚
疇舉螳螂臂鹵級千萬羸斗印懸肘間焉能使無腥

其二十二

淮陰獨登壇高密初杖策抵掌下關中緩頰定河北
孔明出茅廬三分已先畫人主恐不真真則魚水得
人才恐不真真則寄社稷豎儒就功名徃徃賤貧迫

其二十三

子孟秉精忠其功在受遺身死骨未寒五宗遂參夷
林甫易君聰九有爲之隳生時享萬鍾沒不保其尸

兪州山人續稿

卷之四

六

天威在人間臣子安得私所以餘殃及賢否同一揆
高皇罷丞相赫哉千古師

其二十四

煌煌炎漢業九有將爲新吏民頌功德四十三萬人
蜀使方著書醱醕留其醇禍患將見迫倉皇成劇秦
夫豈能釣榮苟在完其身一入霸儒手名盡言亦淪

其二十五

建武薄三公尚書領西掖雖復當樞要厥佩猶銅墨
久次文無害始爲二千石尾大終壓身備物仍典冊
手載同茲恨學士充內職上可蔽主權下不膺吏責

却顧九列人黯黯無顏色

其二十六

陽都當國秉五侯競驕怙是時谷司農矯矯衡言路
批鱗擊君瑕憑社憂主悟張禹舐犢翁循默滋巨蠹
孔光首鼠徒依回市炎祚天下不爲劉識者了其故
彼莽何能爲諫臣與兩輔

其二十七

宋弘初宦漢仕莽爲并牧承鼎建武中雖壯齒亦足
抗言辭帝婚俛首甘新祿李密旣陳情無何狗除目
賦詩怨積薪曾是念初服翹首坐上尊晉耶當爲蜀
弇州山人續稿卷之四

七

苟竊義孝名千秋寧無慙

其二十八

石顯攻微文忠言被巧詆如何久不敗與帝相終始
惜哉匡說詩晚節終藿靡侵盜麗丹書經術遂不齒
後賢小其規天權煽表裏九重開宸斷八柄俄在已
雖復加諸膝委之若敝屣

其二十九

安史吐餘羶河北成異域睚眦五十載國威爲之屈
時維田侍中精誠貫白日手挈六州歸力收叛藩馘
時宰不覩機捐之飽狂猶布也枕戈恨悍卒寧見恤

何以報君親剗心萬事畢

其三十一

翟相持短喪除服起視事皦皦劉司徒復明先王制
侃侃富韓公千載伸茲誼嵩之觸衆喙不能保其位
念非衽金革誰當使弗避下論權君親爲君者誰氏

其三十二

漢明敦友于感自東海彊唐明暉昆侖成器爲子臧
地遠天性出跡擬人倫妨斷斷隱太子糾糾巢刺王
旣迫螫手憂能辭喋血傷所以斗粟誼終愧鶴鴿章

其三十三

弇州山人續稿

卷之四

八

東京誇汝南北魏推弘農友于列九命祖禰盡三公
名德冠時英禮讓世所宗董卓盜天常爾朱縱窮兇
賢哲俱駢首清渭爲之紅盛極必有衰世汙以已隆
雖無紹與侃寧能保豐終

其三十四

梁冀挾椒房人主在股翼一朝尸二公舉朝皆脅息
入使行按部先埋都亭輓帶劍入尚書跪領張陵叱
樂安與京兆猶能保其客死者代相禪生者不改直
寧如書生貴橫行於八極

其三十五

和熹昔臨朝文彩冠東都立幼擅天權不救昆弟誅
宣仁善革故聖澤沛皇圖榮名伸敵國不免子孫誣
追惟正統初煢然五尺孤太后坐深宮格心但詩書
九有頌慈孝千載仰深謨

其三十五

范公悲漢亡坐卧一車裯三十六載中不笑亦不嘔
聲在咽喉間疇能閉其呻萬古宇宙間一見有心人
次則顏見遠慨然能致身寧爲江陵鬼不作建康臣
頓令首陽薇奕奕神更新

其三十六

舟州山人續稿

卷之

四

九

仲舉誅左鑑謀叅聞喜席其人雖可言其地終外戚
何進屠酤兒一死媒漢賊揚湯而息沸焉能令沸息
新莽盜漢炎隋豎成鼎革赫赫我皇猷萬世垂內則

其三十七

梁侯旣伏法伯始亦解宦元相死制獄緝也同茲難
鼎足共承君械口以成亂伴食猶可言竊脂良足歎
方進媾紅陽幸叨帝恩遑却條厚善者九列俱流竄
於世雖已張於顏能無汗

其三十八

維漢有宣哀隆親僅王號知者猶謂私凜然太和詔

竊窺仁人志既考而復廟批鱗見臣節因心亦子道
權佐脩其郊陳章托媚與自詫萬古綱能無萬古笑

其三十九

永明感奇徵微言自西竺後果攝徃因如環代相續
楚英慕之誅崔浩排之族姚秦熾之亡周武熄之促
趣舍同一途疇能明罪福是以有漏因智者了不錄

其四十

東都蔽闈宦儀曜盡爲腥八俊復三君皦皦露其羸
林宗巧彌縫遑遑竟無成太丘爲包茹嘿嘿以苟生
鯨波挾衡颺一葦安得爭唯見黃叔度鴻飛獨冥冥

舟州山入續稿卷之四

十一

其四十一

孔明討漢賊祁山凡六出威惠等春膏精誠貫秋日
謳誼道相屬身死名不沒陽都佐東王舉朝服明夫
如何反掌間名身並道滅卽論新城挫不掩徐塘伐
成敗遂低昂千秋今中熟

其四十二

曹氏據七州威方方蓋世雲長鼓偏師一戰挫其銳
似憶白馬圍欲徙銅駝避國賊碧眼兒竊敗乃公事
昭烈與孔明茲時誠失計三萬黃頭軍順流下白帝
退可伐賊謀進當厚師繼旣蹶興憤師中原了無意

竟令涪江水釀作永安淚

其四十三

文若本名家志在匡社稷周覽六合間疇能託其跡
降心事阿瞞相與圖傑力訊掃羣雄盡彼奸愈得職
九錫從艱來一死明夙昔寧如寄奴相憂在後石畫
死猶擅元功生不念王室

其四十四

張魯世奇襄乘險保梁州及乎降曹公五子萬戶侯
全義亦盜雄所事無恩讐胙土享真王晚節更優游
梁州無礎盜河南但鋤耰是時二邦外柱骨如山丘
弇州山人續稿

卷之四

十一

亂世能庇民食報寧不優

其四十五

昔有王彥方闇然敦古誼訟者將取平望廬恧而逝
淑問旣已昭弓旌遂麋至一旦讐其身儉酷以自穢
始悟矜名客良非終隱計衆惡幾於道吾聞之老氏

其四十六

文王寔剪魏叔夜尸於市天子不爲讐讐迺作天子
當時侍中君銜憤栖田里新沓竟憐才終煩司徒啓
惜哉蕩陰役終乃爲讐死王哀慟藜莪獨行表君子

其四十七

晉武弛王度隋文拔天刑於德寔不競乘瑕乃合并
苻秦任景畧七州差蕩平慨然念大統夫豈徒佳兵
淮淝誤一蹶中原遂土崩豎儒輕相薄志士嘆無成

其四十八

五胡肉晉室聰勒獨寧兇王族無完領萬姓一釜中
靳準小豎子而乃夷聰宗冉閔差強意羯血三臺紅
伊昔新城役阮秦快六雄天地誠不仁代報以無終

其四十九

晉昭寔剪商誕也誼弗受麾下數百人一一田橫友
矯矯繼漢龍夫豈稱魏狗攸之扶宋傾迴爲宇文守

弇州人續稿

卷之四

十二

二李起南北慨焉捐其首於心豈盡純於道良無疚
奉璽者何人心死亦已久

其五十

晉元起微弱夷吾爲始興武德中不競因事就功名
當時錚錚者僅一陶士行坐觀武昌變齟齬歷陽兵
珍賄傾王室睥睨折翼徵豎儒不覩事謬比於孔明
所以柴桑叟憤然振家聲

其五十一

太元抗強秦江左一安石惜哉饒遠量而乃乏遠策
車騎實堪勝用勝良未得淮淝再鼓後全秦皆喪魄

胡不遂長驅歸來偷宴息坐視慕容熾依然限南北

其五十二

伯仁負高名惟能日洪醉深源負高名老大不曉事
不用人若失用之反成累俯仰宇宙間名虛復何異
處仲與靈寶猶能亂人世

其五十三

明德擅軒龍不及宋貴人元魏爲殘忍立庶戕其親
亞子矯之謬嫡后爲大嬪苟在快其私毋乃乖天倫
亂體登宸極往往稱並尊並尊無乃過隆養禮亦均

其五十四

弇州山人續稿

卷之四

十三

吳卒脫屣水功當冠國臣但求百斛酒陶然竟其身
園卒爲蘄王致貲巨萬緡依然抱一甕老作灌園人
始悟范少伯得之猶未真辭越復居陶憂死復愛貧
何似兩卒賢名與利俱泯

其五十五

魯霸傾儲宮大帝爲之惑及乎登見廢霸亦當大辟
魏秦傾儲宮勢已危奪嫡承乾用反削秦遂均州謫
豈唯覬覦解亦使憤惋釋始悟英雄人爲舛亦不極

其五十六

營平不貪功獲伸于明主清源不貪功主驕方贖武

封拜跬步間見之弗肯取供君一念快使我萬骨腐
祿兒方開邊曷不慚入土

其五十七

元嘉脩內政江左乃宴寧淳熙急外攘庶事實勵精
再舉再辱師戎馬反縱橫拓拔威方振完顏治復平
兩勁迫自完誰能問合并少保痛朱仙太尉悔嶠岷
事機苟一失千載遂無成

其五十八

曹馬雖竊禪猶存故君禮靈寶存晉安劉宋緣之起
是以零陵王掩恨歸蒿里一念逞所私千秋成勵軌

舟州山人續稿

卷之四

十四

諸子豈盡罵人人不良死不然而寄奴勛夫豈阿瞞比
其五十九

彥國領元樞堅辭格外賜一賜何足言難沮格外事
老臣於舉動徃徃見深意鼎足共承君染指不自制
椒房與左鐺相與徼恩惠患得已不憂得之了不愧

其六十

東昏逞屠僂勛庸一朝盡赫赫蕭蘭陵雍州義師振
豈惟感家難九有同茲愠奈何吳娃戀竟媒彭城釁
不聞夏殷滅喜姐皆來嬪人綱旣已乖天道良可信
更讀巢刺編令人發深恨

其六十一

武陵怙酒德法興寄腹心湘東肆豪猜佃夫當喉襟
名輕行既劣俾制嗣君淫倖門旣四關八座皆龔瘖
片帑夕下來晨卽委刀礮物情雖云快隱憂良亦深

其六十二

景倩實孝廉精心事苦塊雖詳褚公譬誰能使居位
一朝遘國憂扶攜入趨衛宋棟垂欲傾一木焉足賴
父子同所歸怡然見先帝子野豎儒生咄咄計成敗

其六十三

彥回秉清令鬚髯蠹如戟會之負挺勁長身若立壁
弇州山續稿

卷之四

十五

堅請天水社力抗山陰逼生死在須臾豈盡爲名飾
一念偶已非滔天遂焉極赫赫兩師尹能無發深惜
其六十四

每讀梁史殘愀然感僧辨奸雄志逐麋肘腋遂中變
焚骨飲其灰王頒解脩怨論功不受賞竟免丹書譴
良勝伍行人終成狗知戀此身復爲奢沉寃竟誰唁
龔壯更超然巴山從所願

其六十五

宋或剪諸昆建安亦就圖忠助在宗社不獲保頭顱
魏恪猜羣叔彭城首見踈明德格乾坤未免當門鉏

儲胥旣自徹羽翼孑然孤唾手授蕭卽遺孽召爾朱
人事與天心默應良不誣

其六十六

謝朓箕山節恨爲子季賣出處自當心取夫人磬欬
赫赤司徒公誰能使之拜辭蕭初若遠仕鸞豈無害
指口但飲酒優游於禪代當時保身者名位兩不敗
千載思勝業令人有餘慨

其六十七

晉有一仁人開府羊荊州梁有一仁人車騎常嚴侯
弱者懷其德強者伐其謀儉怒不敢先老氏羊所優
兪州山人續稿

卷之四

十六

竺教橫天來舉世皆蕩流帝也守中庸不忮復不求
其六十八

昭明秉岐嶷其用稍文弱晉安一繼之靡靡成輕薄
而况於湘東豹文廼羊轄何必候司徒然後成危削
奚俟宇文公江陵方面縛人主執天權操念爲美惡
渾渾西京詞已矣不可作

其六十九

爾朱起秀容結俠傾魏室衆不滿萬人所至無衡敵
立空葛榮衆遠授天光策有才足爲亂惜靡戡亂德
賀六曹瞞亞黑獺仲謀匹混合由真運鼎峙乃材力

咄咄廣武嘆令人歌阮籍

其七十

魏氏起索頭其源等胡羯攘號雖百年羶氛猶未歇
高祖力用夏三靈爲之悅人文外以炳天綱內多缺
易世曾幾何奄然遂改物禮者忠信薄斯言吾敢蔑

其七十一

高氏恣淫昏爲周剪明月烟烟血一泓割之終不滅
英辟風後人吹堯亦昭雪易世有狂童捨旃尋故轍
親賢若齊王睚眦見屠裂爲隋抑何厚爲周抑何蔑
掩卷感廢興令人思明哲

倉州山人續稿

卷之四

十七

其七十二

周武平晉陽六合在掌指如何後嗣昏廟社同齊址
誠臣抱訐慮直哉烏丸軌徐方接陳壤守經以俟死
衛瓘終不免伯陽竟遠徙爲身計若疎爲君斯可矣

其七十三

唐公固隋臣宇文啓茅土阿廢偷商辛毒乃痛海宇
何必禪讓跡無害干戈取爲德固未深功亦肩周武
反顧靡愧心高光絕千古若夫黃虞土赫赫我

皇祖

其七十四

唐高甘聚塵妖壘竊皇綱淫羶易廟社三靈為慘傷
維城拉然崩躒血染天潢莽卓為一人寸斬不足償
惜哉無絕母完歸於上陽當時極兵威萬憤亦少揚
養虎自遺齧遺恨在英王

其七十五

梁公古明德昭代實無倫瀕死不改節所蒞惠必臻
婉諫復皇儲密引皆俊民五龍既夾日萬古歸其仁
危哉再相時齒暮宦亦陳萬一先朝露此志竟何伸
阿姨自有子不作女主臣

其七十六

弇州山人續稿

卷之四

十八

少陵寔沈雄太白擅豪華當其盤礴時口吻皆烟霞
一字翰墨林千秋歸大家生平宦不達晚節各天涯
奉謹竄夜即乞食困浣花而我獨何幸獲保青門瓜
其七十七

文饒一材臣所至樹風誼會昌式徵代皇紐將解墜
立決萬里筴手挈三鎮地寵多器不任為汰復為忤
垂老涉鯨波白骨無所寄但稱裴司徒不及李太尉

其七十八

唐德初告衰宇宙正佳兵前有郭汾陽百折必東傾
萬死不易心後有李西平萬古立人極豈惟宗社禎

彼燧亦何論爲罪亦已盈惜哉臨滄謫遺恨在齊名
其七十九

裴公大將材不解深州圍韓公大將材不戢好水師
決勝或先登寧如一偏裨及乎坐廟堂天子所著龜
片語轉乾坤匹身係安危信哉尼父言大受難小知

其八十

唐室將賈亂高明俱倦勤軒龍不安位鶴馭將帝賓
兩武稱賢助二李亦純臣云陛下家事何必問外人
愛州與荊州不憚批逆鱗幸以首領完沈淪竟終身

其八十一

弁州山續稿

卷之四

十九

興慶帝父尊重華天下養如何猜疑際天倫遂板蕩
抱景等幽囚跬步同流放生時億兆主彌留向誰倚
牝鷄一司晨豺虎成茲謫

其八十二

牛李相樹敵進退爲是非刺刺唇吻問人主至宵衣
如何洛蜀黨賢者亦爲之渙羣表大易不比有明規
矛盾起方寸所讀何書詩竊窺五鬼章至今令人疑

其八十三

陽公爲諫議四載悶其口一作驚人鳴出爲道州守
魚美及稻糜與衆均所受催科自註考能令督郵走

兄弟凡三人相與日飲酒醉即共衾宿不娶竟無後
釣奇性理僻於道能知否

其八十四

順宗長諒陰伍文遂竊柄生終被竄俸死猶蒙佞倖
及觀所釐革徃徃多做政頗收遺老還力與中貴競
柳呂一自沒欲速成蹭蹬不覩快心人時有膏肓病

其八十五

自古負心人毋與朱三伍狙詐曹瞞流獍兇亞石虎
狂鋒旣犯蹕王公盡碾斧沙陀首弄兵乘時竊邊土
破巢稍臣分劫揆仍兇虜力屈聊避尊夫豈崇故主
弇州山人續稿卷之四

二

竊陋司馬公帝紀安足數

其八十六

天厭五季腥時復一掃之存者且暮人焉能辨華夷
馮公豈不偉於節安所施信心白刃間榮貴保期願
千秋蒙垢汗所救亦不訾二石一海鷗古稱圖澄師
儒者所不道西竺將取斯

其八十七

有宋躬柔德臺諫執天衡與帝爭是非物論時見憑
念無九苞彩爪距若蒼鷹膾胷肉餒之搏擊中所憎
士氣一爲奪千秋猶不勝側耳平津館囁嚅承明廷

咬咬雙鴻瀨，豸角何崢嶸。竄頭復捩尾，寧不愧其名。
其八十八

藝祖惇友于，淳熙不良弟。空宮闕丘嫂，陰刃戕二嗣。
奚必枉峇聲，然後乃成弑。普也社稷臣，驅除每先意。
其悞不在今，悞在書金櫃。何物一老嫗，亂經狗所庇。
每讀梁孝書，竊賢竇詹事。

其八十九

宣和負與國，復渝海上盟。一念不勝貪，宇宙遂佳兵。
朱仙十三詔，竟分南北形。奕世言恢復，聊美其名。
開禧大辱國，符離亦無成。孱然史越王，持重見譏評。
舟州山續稿卷之四
廿一
貴壽復世延，母乃當帝情。

其九十

伯紀與德遠，忠志貫金石。量隘而才疎，焉能剪強敵。
忠簡差練事，其氣已蕭索。等彼王與謝，雍容叅揆席。
矯首眺大河，蒼蒼七陵色。安得劉寄奴，純心爲宗國。

其九十一

強胡震四垂，天地爲之裂。鐵騎過獨松，宋膽悉以奪。
信公仗孤忠，羣僚乃烏合。弱卵壓泰山，猶能整其轍。
天運久已去，人事那得說。掩卷惜公才，世儒但稱節。

其九十二

贊皇謝膺試魯公戒求辟於中豈泊然大小猶有擇
奈何策華腹而奪隱士職前轍旣已迷後軌踐其跡
是巧靡不師疇能已日華浮雲翳其眸欲辨人間色
何如皓魄澄羣暄自辟易

其九十三

天厭一世入英雄生馬足兵刃周八荒所至皆魚肉
中原冠帶地幾希付樵牧時維耶律公捐身不遠俗
宛轉中所嗜從容解其毒遂令予遺民生齒成代續
萬古祠禹功從配當不忝

其九十四

余州山人續稿

卷之四

廿一

虜馬躡中原遂掃東南陲天地盡爲元生人安敢違
倫物俱澌盡存者僅一縑許生當薛禪強起脩飾之
雖復腥羶雜猶守六經遺奈何拘方士斷斷生唎斯
不聞夫子言吾欲居九夷

其九十五

伯顏善居功師出能以律中廢同汾陽晚榮等高密
廉公當鼎沸一出秦隴謚正色抑降臣改顏崇儒術
莫謂胡無人江左乃無匹天意惜未純阿桑時聞出

其九十六

高皇提一劍力扶輒坤翳聖武振八荒榮名邁五帝

時維中山王獨任心腑寄坐連百萬兵手挈中原地
才宏識更遠功大心轉細兩都對珥貂茅土垂世世

其九十七

開平卒於師曹衛亦早逝所以保令名爵賞亦延世
宋公拓中原功多罪亦細穎公關西南未種織介戾
苟免鍾室誅難辭杜郵賜爲燕剪名將焉知非天意

其九十八

韓公佐開國雅若何在漢尊當百僚師威則東第冠
貴富旣已極君恩未終渙胡陳小豎子何迺與其亂
投綵應星隕誰能明非叛但讀虞部章竊深投杼嘆

弇州山人續稿

卷之四

廿三

其九十九

吾憐革除際諸賢何不辰齊黃旣首袖希直亦謀臣
白刃亘天來誰能保生存桓桓鐵尚書血戰挫燕人
捐脰不甯回一死識其真魏公椒房舊大義迺滅親
下見武寧王慨焉不辱身

其一百

巳巳胡馬狂上皇困魚腹舉朝一于公巖然回地軸
天子憂萬年鶴駕將改卜代言當上賞孤卿盡公祿
于獨再堅辭於心了無慙彼權借文枝誰知非實錄

弇州山人續稿卷之四

終

弁州山人續稿卷之五

吳郡王世貞元美著

詩部

五言古

肖甫有中山開府之報喜而有寄

衡門掩疲病稍與塵事絕
崢嶸歲莫天覆盆何由雪
忽枉故人問令我屐齒折
尚書尺一下符璽行當發
感金雙蟠螭天子所賜鉞
鐵冠嶷其角豸繡殿腥血
內臺挾眼鼻左輔當喉咽
始知中山篋更成中山節
太陽吐朝暉群翳俱消滅
崇蘭汎賓筵畝蕙成私悅
弁州山人續稿卷之五

榮卑雖異勢物性區以別
子其奮駝驚余衰安寂蔑
奉安道經一藏於閣西室敬述

太上譙眾真逍遙于玉清
曦觀下土土穢濁錮三靈
慈憫激流微貫珠自泠泠
精微綴宸章錯繡何青荧
軒轅啟陰符玄女駐緇
緝靈威抉潛宮禹文不沉冥
隱約五千言致柔澹無營
泚漾漆園叟游戲與道并
內景散蓋珠洞玉啟丹扃
南吳紆初秘緣啜在興寧
濫竽昉靈期殺玉寔光庭
及乎宣和季紫色復蠅聲
誤解抱朴書九咽醎煙生
妄謳紫陽咏况焉喪其精
罔象獲玄珠中習謂非誠
將配西天言及我東魯經

含輝各垂照嗽若日月星澄乳出醍醐和美故無爭
分流雖殊派不悖當並行小兆匪南董慨焉慕赤明
上論九玄度下紀萬椿生竊從玄卿後良常勒新銘
孔陽宗侯有亭曰依隱亭四傍皆竹余爲賦之
東方昔翫世大隱金門側前傳云依隱翫世之子固沈淪宗
正通屬籍家有淮王招人歌歲星謫飽殮淇澳菽嘯
弄瀟湘碧唐李万萬葉疎者曰太白結友栖竹溪舉
世宗六逸子亭以子名子名借亭得試一展吾詩是
否人間色

周郎蚤夭項女未適而死殉之合葬於周

弇州山續稿

卷之五

二

君是岐路人女是父母身父母業已許那能不屬君
君今旣玉折女豈獨瓦全生當愧白日死當快黃泉
丹旄從東去素旄從西來兩旄東西合纏綿不得開
黃蘗化爲松那知苦中久十六項家女千年周家嬪
君固女不知女心君應得不似郟家兒倉舒渾未識
團欒女貞樹煜若銀河洗石似韓憑木將情作連理
伯夷豈殷民爲殷表君臣首陽一杯土萬古歸其仁
我欲竟此曲此曲悲且長結爲金與石融爲冰與霜

題雙松卷蓋嶺南簫公之手植而其子別駕君
讀書其下者也

赤松游南海手實貽蕭郎自云温山種鸞鳳所庇蔽
峭嵒雙喬柯矯若龍雙翔東樹延夕春西枝媚朝陽
歸雲不隻栖偃蓋必相當設設元禮風勁節抗玄霜
颼颼引景颺清音嶺素尚有子饌銅盤書聲出琅琅
丁夢終見叶賢對良豈荒下當種靈珀上當棟明堂
寧學家少府齋前俱白楊

答贈曹子大同

荆玉游中土連城不復償武夫迫相淆璿璣蔽其光
所以神自泣黯然思陵陽空谷產倚蘭無人自芬芳
菜蔬羣來狎根株不相當所以希拂拭願登君子堂
弇州山人續稿卷之五

三

淮南富耆碩曹子乃其良漁獵六代數馳騁百氏塲
五十困公車六十釣滄浪者書累萬言不博俸一囊
鷓鴣暮來棲萬目呼鳳凰竊悲千秋瑞長鏹五色草
惠而好我音攜我以同行知己何必多寸心暴秋陽
結交何必早歲晚見冰霜

敬美弟杜門信州移文乞休賦此寄之

寒霜日夜零廓落成晏歲羈羽坐空條疇能不愁思
愁思望故鄉安爲久留滯故鄉足稻梁處者甘其惠
伏羅更以詳忽來誠可畏不覩雙飛鳳摩空適其志
晦顯何足陳無營乃爲貴

其二

侯生縻抱關會計委宣尼不復知身賤焉知貴爲誰
大塊博物形自古多叅差得失若浮萍汎者偶值之
高位多折腰韋縞乃信眉黃鵠游於田尺鷃笑其卑
狎世誠非易避人良豈宜

其三

彭蠡滙大江洪波浩洋洋零雨久滯淫牛斗攝其光
匣中雙飛龍生不剗名王一旦埋稿壤時時嘯寒霜
楚妃貌若蘭不因風菲芳盛年中自失垂晚怨朝陽
逝畧不我還撫壯當自詳無爲愛一壑坐使玄鬢蒼
弇州山人續稿 卷之五

題小桃源圖

出郭只十里種桃近千樹主人非避秦亦不嫌客顧
有酒且賞花酒盡應湏去試語劉麟之何如此中住
胡楚玉法門之龍象也雖混跡居士而超契應
真一旦別余游五臺禮文殊大士感此賦古
體一章以贈

五臺小五嶽梵天作真境一嶽爲一臺秀出太行頂

青分鷲嶺潤白破雞足暎七寶蟠紫空

樹也

三珠噴香

井泉名靈花時自秀法雨長夏冷吾聞古師利結法當

茲嶺不避老宿嫌時時神貌騁楚公乘古來少小發

精猛服從居士便心作嵒蕭靜托鉢行別余去去入
幽迥聖燈悟來現佛日塵內永不畏毒龍攝所畏在
光景若叩清凉臺儵然在衣領

贈卓徵甫光祿見訪弁園作

我愛卓王孫儻聲滿人口牀頭一鷓鴣時時爲客有
已工光祿吟復耽步兵酒白榜叩紫荆青絲繫楊柳
不爲噉名來能談塵外否

凌大夫且適園

爲園何必廣聊以答吾寄勝從蘋洲采燬許薊林婉
水石有真色桑榆信所植好雨東南來百卉欣自媚
禽州山續稿卷之五
時禽宛宛鳴儵無悠然逝念彼非有托叶此成偶契
谷愚豈真徒河清焉可俟尺鷃與雲鵬逍遙不相倍
有待終愧煩無營乃爲貴

王丈汝止偕張牧過祇園作

皇穹不愛道爰產良知翁奔走舉世豪先生得其宗
說法五十年甘雨天南東張牧如平陽避舍舍蓋公
輕榕白接離坐我祇園風恢諧與觴爨盎然皆春融
我聞羅什師時時邇淫躬及乎飯棘針亦與常飯同
乃知青蓮華無妨淤泥中語罷一自笑廓落高天空
唐伯虎畫牡丹下睡猫題者不甚快意因戲爲

作之

白日當卓午，狸奴睛一線。胡爲尚頹然，曲肱掩其面。
得非薄苛醉，毋乃干陬倦。風吹水芍藥，時時墮芳片。
墮者作袒，禱留者充帷。帝高臥，時未至，確才晚。方見
縱橫，群鼠輩未解事，機變牙爪橫。戟霜飛，騰掣弓電
詎止，無當鋒。誰與敢奔殿，剝裂懲狡貪。吮咀慰酣戰，
能令此輩空。不愛通侯券，丹青何人。手唐子少豪健，
賣駿足偶蹶。屠龍技，方賤韜精恣鼓跌。含意在荒晏，
鮭鰕苟不乏。猫鼠各自便，猶勝李鴛州。搖尾媚娘殿，

蕭妃以媚娘他生當
爲鼠也鴛州卽李猫

會州山人續稿

卷之五

六

送印上人歸銅梁詩有序

上人銅梁人也。十九薙髮從師，求道尋入鐵圍山。內觀久之，恍若有悟。乃徧游叢林，叅訪耆宿，證其所得。西登五臺，瞻禮文殊道場。因附舟渡江，栖止諸名利。一日，別余曰：吾且歸銅梁矣。余謂上人猶有銅梁在乎。上人無答。亡何所齋衣鉢爲一行者持去。上人示悴色而語之。余謂上人猶有衣鉢在乎。復無答。已而又曰：行矣。必得子之一言而重。余謂上人猶有不佞之一言在乎。復無答。余謂此世法

也苟順世而無星礪歸銅梁與不歸俱可衣
鉢之存與失俱可得不得一言之言與不得俱
可予之鄉有嵒峽先生者能順世者也試以
予問質之於是上人行而余爲一古體以贈
且用青蓮句作起語

太師銅梁秀托鉢婁江潯向余忽西笑笑指山深
出旣無定所歸應無住心吾聞梵天界步步蓮花金
玆地且不戀况乃思故林兩足隨垂緣耆宿有知音

題弇山園

惟古弇州西國以君子稱其人皆胡耆少者亦箴鏗
弇州山人續稿卷之五

七

中有五色鳥仰吭向天鳴金母餞周滿琬琰鑄令名
海上吐三山儼若芙蓉城雲根秀特出風巖類削成
游者詫天工焉知人所營轉徙一私宮其寬不容肱
徇情豈不怡余適乃忘情長生豈不佳余學在無生

題離資園

昔當邁時屯掩跡遯閭井所難近市喧復深在原警
選地不在遐步武得佳境雲來白石古雨去蒼苔靜
淪茗熬妙香爲我迴醅酌指麾勤剪刈毋使資蔬逞
斯物豈余豐虞爲芝蘭梗晚途悔別擇送心皈平等
怨戚與愚賢相將共箕頴

題澹圃

吾弟善爲幻荆榛忽繁麗春風瀾天來爲汝雕萬彙
綺目無不足炙口有餘脆時維八月獨往足余憇
水涸天根見木涸地肥旣丹艷俱剝蝕唯餘一眞際
進我天人糧條然禪悅味治游諸少年五都競爲媚
毋以雞肋觀奪我羊棗嗜

題約圃

余有先人廬不能飭衡荆樵蘇來共之鳥雀自從橫
吾兒慕老圃聊爲一經營梅桃凡幾樹脩竹百餘莖
取勝唯一池弱不任揚舲茅屋八九間文之軒若亭
弇州山之續稿卷之五
小丘僅踰仍強亦以山名又復名其圃曰約差勝盈
君看芥子中瀕彌了不贏

入弇州園北抵小祇林西抵知津橋而止

維東有蕭寺澄潭面若鏡步武稍逶迤林香發幽興
荼蘼組春翫橘柚文秋飭祇林未易攀仙源或堪偵
胎禽引圓吭萬樹竅相應游履自麋集毋勞開蔣徑
入小祇林門至此君軒穿竹徑度清涼界梵生

橋達藏經閣

衡門枕遊逕往往嚴扃鑰中有小羊日不與俗客說
幽亭抱脩篁三番碧於玦殘陽過林表餘暎散瑣屑

長者所布金蒼苔互明滅徑窮勝自出地轉天亦豁
白榆蔭銀河恍疑梵王設穹閣樹杪呈二藏各安列
空王本不空苦縣有真悅余本一蠹魚安能不自役
度萃勝橋入山沿澗嶺至縹緲樓

茲橋縮羣流并割三山半舉頭一峯尊翼者亦簪漢
下有突星瀨椎石鳥獸竄宵行或見休燕坐出深翫
窈窕逕復通蜿蜒勢中斷白石紆清流信意可枕盥
稍南穴其背忽得天地觀却顧所入山依依在几案
念此回環機欣然一笑粲

自縹緲樓絕頂而下東穿潛虬洞

弇州山人續稿

卷之五

九

高樓足怡曠展眺意已窮俯身狎鳥道側足探虬宮
迴光一乘隙羣玉皆玲瓏下漚湛湛流磐石居其中
雀躍三過之前復畏蒙茸西南一虛竇隱隱復溶溶
遙與突星會邇則天鏡通幽閒難久留吾將汎空蒙
由西山別磴至乾坤一草亭西北望城樓西南

望武安王廟

沿沂石瀨傍十磴突平地本謂入山深那知出山易
旋螺結湫頂步武一茅亭俯看牆外隴鬱鬱黃雲中
落日滿麗譙粉堞尤羃歷蕭鼓發叢祠野火起枯栢
興盡欲下來曲水弄餘暉忽過金粟嶺天香逗人衣

穿西山之背度環玉亭出惜別門取歸道

青虹跨高嶺雌霓隱其下傍穿度窈窕忽上得瀟灑
釣磯字忘魚亦復無釣者萬玉出素粧微紅露妖冶
俄爲出山路使我恨眼蹙一步一回首誰能遽成舍

由月波橋而東望梵音閣

飛橋掛西嶺遙與中弁通明月組文波萬穎射鮫宮
諸峯一十二獻巧爭爲雄奮肩若飢猊垂首如渴虹
憔悴欲沈湘飄飄獨凌風仰盼雲間質梵語錯青紅
一柱錦突兀孤峯玉玲瓏雖疲子猷接未悲阮逕窮
穿率然洞入小雲門望山頂却與藏經閣背隔

弇州山人續稿

卷之五

十

水相喚

迤邐山深洞盤石不盈步欲幡藏中言於茲可喚渡
閣影施峻嶒諸峯借舟艘迴屐探薜門介然見雲路
陽崖納綺照陰壑含冰沍枝樛幄成結澗古藤堪度
拊石何冷冷爽然若韶釀

壺公樓之背對廣心池之小浮玉

中弁固饒奇其陽頗陜塞未暢目界觀而以疲足力
茲樓旣北啟恍若天地闊流峙賈其華明晦異昕夕
當睥小浮玉宛宛自爲色呼酒一酌之與爾相主客
却笑壺公壺假幻成所適

汎廣心池穿散花峽之東冷橋

殘潦足滄浪沆瀣亦蹄冷况此魚鳥地俯仰見宏深
刺榜故有餘揚帆稍不任曲几列殺觴嵐翠時見侵
宛轉娛暉渡徬徨嘉樹林飛瀑當面來勢若瀉千尋
迴瀛歛東峽高岸吐陰森輕颺散紅萼沾者酒自斟
雖復拘方士那能不披襟

度東冷橋蟹螯峯下娛暉灘

巘巒謝雄麗花竹入蕭閒點綴一二峯映帶遠近山
醉舉畢氏螯忽掣向雲間流杯石芙蓉鑿井青連環
徑轉日忽開馬蹄足踞跚藉磴坐青葱臨趾弄潺湲
金州山人續稿卷之五
竊爲忘歸詠風流庶可攀

十一

由雲根幢之背度雙井轉嘉樹亭

躡屐穿雲根况見雙明星下有百尺泉轆轤破泓淖
出沒沿澗噴向背臨溪亭老樹何年植鬱作虬龍形
逗雲擁芊眠蔽日結沈冥廣池無煩暑曲檻有清泠
何必平泉石憇此酒亦醒

自分勝亭沿留魚澗度玢碧梁

孤亭介林端隱顯表異岐高樹上千霄萬卉發華滋
絕澗若脩蛇屈曲復逶迤微颺激清波鱗甲忽叅差
游魚迷故逕落英恋迴漪絕壑架飛梁可以探翠微

所至與目謀焉知足力疲

由珍碧梁踰險得九龍嶺

澗窮路欲絕茲梁忽中亘下當全身壑上當側足徑
雖爾蹠蹕中悠然見宏勝僊蹇九丈夫相觀易爲勁
晨露被膏沐夕飈發清聽生不願秦封但願不違性
傍廣心池爲歛霏亭與振屨廊相對

夕景無不佳此亭有餘姿紫翠在諸峯迴光弄漣漪
倦鳥將趁宿猶復念渴饑儵魚驚隙照牽躍不支持
雖爾近昏黃呼酒且自怡爲樂當遲暮茲意將告誰
登來玉閣俯廣心池與西山對下爲振屨廊

弇州山人續稿卷之五

卷之五

十一

昔我栖茲閣茲閣臨廣池澄月激文波灑灑破簾帷
攬衣起徬徨况然見三岳皎鏡中天懸萬玉正叅差
下有振屨聲故人筥中來屨聲一何厲語笑何柔怡
爲我標來玉比德良不虧

文漪堂臨廣池前爲小浮玉

崇軒俯朱欄脩廊聳層觀文漪綠颺起儵魚時泮渙
近島如覆敦遙岫若層案聊攜二子相與同茲翫
青山入我屋素壁光凌亂書以賞心辭咏言仍三歎
穿竹逕度知還橋入文漪堂

遙岡織叢翠導我穿屨歷鳥倦亦知還况乃遊人屐

窈窕得平橋夷猶坦湘席相慰目已飽相勞足初息
有酒故可呼無酒茗亦得

先月亭後擁竹前俯廣心潭

初日固自雄不如初月色諸嶺猶黯黯此亭最先得
微輝現眉宇潛穎窺間隕叢篠玉破碎澄波金融液
呼杯一受之晶熒若珠珀使我肺腑間廓如廣寒宅

荅寄屠長卿

人固未易知知人亦未易之子非傾蓋興辭遠相媚
謬以良璞珍入眼豈爲貴余本崎嶇者失身墮文藝
龍臥苟不堅奔走成晚歲雕虫不利人浮譏滿天地

弁州山人續稿

卷之五

十三

昌歎栖江汜謬中聖賢嗜愧無瓊玖報贈言或可繼
一念百里間春榮與秋悴范生始文苑斑公僅循吏
毋以簿牘煩此中有精意

爲張叟題聽庵

山神僥伎倆時時惡聲進吾子旣庵居不聞亦無盡
云胡以聽名徒然擾方寸自言百不入一唯天是信
旣傳天聽卑復道天語近五十命已知六十耳當順
自此從心年的應無悔吝我語君莫聽君聽我當論
何以絕聽根悠然空五蘊

張山人寓侯先生適園得詩廿二首見示因留

宿我弇州園五日而贈以此詩

讀君適園詩留君弇園住試拈弇園景何如適園趣
往往清夜游亦有曹劉句所少但乳柑乞栽三百樹

題三笑圖

蘇子瞻題三笑圖不言爲何人後人引以爲虎
溪故事而謂爲陶靖節遠公陸脩靜者或是宋
元嘉初陸脩靜非梁普通中陸脩靜也吾嘗游
東林寺其前一小溝潺潺流一石橋踞界之僧
指以爲虎溪然太近恐非故虎溪也其面爲香
鑪峯蒼翠拂天此畫景不甚似而人頗古雅戲

弇州山人續稿

卷之五

古

題一詩

遠公白蓮社鬱若人天師破戒飲陶令違誓過虎溪
遠方一大笑陶意竟攢眉乃知病維摩不受彌勒窺
何物陸道士千載亦傳疑

王鴻臚同轂乞歸以養母也黎惟敬內翰合燕
中諸名士以詩送之而題曰青山招隱屬不佞

次馬

昔讀招隱篇白雲栖桂樹矯首望白雲吾親在其處
是以夕上書朝卽挂冠去陋此介推怨龍蛇安所慕
咲彼東方達朝藪終何據躬耕慧山麓菽水足旦暮

身隱竟馬文吾詩耳當汗

安履山房二章爲醉夢生賦上言感下言適也

吾聞天池生宏覽周九輿躑躅公車門生不與願俱
委骨傍要離雖俛非所愉顧瞻長山趾可托千載軀
玉樹埋土中誰能廢歛歛有子不逮養茲馬恒結廬
嚼此泉下棕畢力共埽除慨彼塵中觀委懷在詩書
悠哉復悠哉成子山澤癯

其二

丙舍依墓田丁年托林藪平湖趾吾前崇山墮其後

蒼翠日夕茲時能逗牕牖梅花及桃李谷量若升斗

牟州山人續稿

卷之五

五

造物使之奢何必皆有主人不恒出出則呼顧更
緩步以當車信足足不負是故安履名無妨狗俗口
益以廢丘瘠與室長相守

答汪子且志規也

和璧不易採驪珠誠難摘當其入手時天地爲動色
豈無秦廷念所戒在一失重襴戢其光懼爲狙者識
是以希世寶往往韜山澤

其二

峩峩巖桂芬因風來拂鼻冉冉谷中蘭幽芳當自媚
受質寧有殊疇能違勢地今人貴錢刀古人貴意氣

韋布而千秋默成乃爲貴

其三

東家鍊凡鉛將用給其貧西家富丹砂萬萬雖然陳
未窺先天旨安能妙形神彼妄固已妄此真詎云真
彼妄特誤人此真將誤身

明卿以古詩見貽謂同日得吾兄弟書且感子
與之計辭旨酸楚僕所倚和幾不忍讀矣

北風摧鴈行一飛一栖止雖不胷網羅相距數千里
噉噉雙鳴聲何當墮江汜賴此同心人徵絃寄流水
俯仰天地間慨焉數知已晨宿次第沈夕照易廷晷
爲州山人續稿卷之五
十六

孫節婦壽言

高材孟堅妹節烈孫奇婦心將髮共素影與燈相守
玉潤王家郎再拜前稱壽右挾彤管書左操叵羅酒
試讀五貞篇疇能如母否

張芝果孝廉來請大司馬公志銘成一詩送之

因訂後約

漢有張釋之賢聲騰九棘長公乃不然一官卽成擲

清朝視三釜永晝耽六籍長者多造請公子敬愛客
高義薄雲天誰能不披慳今晨孝廉船係我祗園側
布帽籠悴姿欲請復摧抑 天子所賜瑩先公將
就窵片言借華袞千秋垂金石榻管辭不靳終篇淚
潛拭庶幾王生語少酬廷尉德挂劒倘有時共飽東
湖色

爲范毋題晚節寒香卷

離離澗傍竹英英籬邊菊芬不逐衆卉榮不依凡木
凡木豈無陰衆卉先競馥疇能傲霜霰誰歎安幽獨
中色比黃金清心映碧玉所以范毋賢挺然範閨淑
龔州山人續稿 卷之五 十七

天澤豈不廣晚施意仍篤嘉命播中州清風藹然郁

大師倘有陳彤管將見錄

奉和諸真有待無待篇

翔龍曜金景靈旂逗珠樹廓落兆里遥和颺藹然度
有待不卽來無待來何遽無待有待間或來仍或去
強作無待觀內深有待趣聚幻如聚真真往幻常住
翹矜玉清闕太上不我顧回首方寸鄉靈真不我駐
是以無待門長繇奪者誤

寄顧山甫

山甫山澤癯也歲杪見過新詩斐然近聞容

謝都尉所成二章寄之

君是吳閩人不踏吳閩跡野萊佐蒸藜一飽枕白石
歲邸偶相見眉宇寒山碧却笑柴葉叟被人喚彭澤
名者果何物於身了何益新詩不杜機終難辭物色

其二

晨起便無營寧爲晚饗計青山不礙人藜杖信所憇
酒半雙頰紅往往吐豪鷲譬彼咏荆卿毫端劍光至
調笑主人公俠兒謝都尉但作蓬戶觀朱門豈爲累
何仁仲鴻臚千里在駕杯酒論文甚適也亡何
乞一詩以別余感其意聊爲贈之

弇州山人續稿

卷之五

六

楚產日以良千里申所嚮談鋒永嘉後詞格黃初上
吾愛次道真幾欲傾家釀榜子語潮生翻令結惆悵
其二

之子通隱流乃僻千載慕不愛叔夜鎗攜余一詩去
却愁沅江濶風波日云暮余光久以淪蛟龍不成妬

苦魔媿

我昔魔宮屈所作無不獲魔事偶然止亦得暫休息
今我厭魔樂皈心向空寂魔仍不時至分我清淨席
我自忽爲魔魔豈強我卽但令一切空無縛亦無釋
魔當住魔天我當安我宅

和蘇長公南華寺韻

身自祖戒來未識祖戒面偶然賴拈出一見不再見
紫馬白玉堂所得等露雷鯨海人鮮灘厥藥始瞑眩
悔不先師禪蕩蕩一白獠濡首六欲塵驚心九重譴
云胡嶺外歸綺語紛如霰但使能所空何煩焚筆研

和蘇長公妙高臺韻

佛印老禿翁片言拄蘇子禪牀咫尺間忽擲千萬里
不解絃中調如風過牛耳却望妙高臺差我插天起
俊鷗摩空沒波平四如砥意氣稍得舒歸來對隱几
卷我廣長舌避汝堅利齒初若錘遇錘契則針投水

龔州山人續稿

卷之五

十九

欲識蘇子誰長爪梵志是不向無智生寧向有智死
遇故將軍袁澤知其為太常柳莊先生裔也因
出洪武永樂中諸賢所貽先生詩文示之且贈
以五言長體一章

汝家老天綱逆旅識馬周鳶肩復火色騰上不久留
人主狎片言車前呵八駟耳孫曰庭玉間行至幽州
文皇薄朱邸鈞竒出旁搜環衛十二介一一雄貌貅
中有天人姿胡髯挺如虬太華壓千巖海王朝萬流
再拜獻禎符契若鉢水段老官太常丞不愛鳴雌侯
象賢如客師死爾紹箕裘邈近覩之子個儻非常流

自云少衿裾亦曉攻墳丘獻書光範門十上九不酬
是以飄然去立挾南夷酋金印垂入腰棄之若蟬蛻
落魄宇宙間恥與烏鼠儔晚知太常齋令我慨前休
示汝卷一編汝當思聿脩七尺長彪驅燕領仍虎頭
未審投筆時亦曾攬鏡否吾聞公侯始其後必見收
七葉鳴珂巷帶礪等河丘往往靖難勲昔受若祖謀
勿孤人相編貂蟬在兜鍪

張幼于舍別墅爲言子祠敬用志媿

句吳誠佳麗其始未雕朴三讓道故尊居然一魚服
人文萃東魯垂暉耀南陸言遊遂北學與商獲偕目

弇州山人續稿

卷之五

二

以彼絃歌化革此諸離俗專諸要離遂令大江表儒林被

膏沐浴美張仲生尚友一以篤家有五畝宮傍托素

王宿願言祀言子寒泉配幽菽竊陋法護施庶希范

氏躅文學千載標沾沾意良足俎豆乎其間非子誰

當屬

題沈啟南畫林居圖和韻

春風蕩鄉國偏地成小草豈不養浮名末路難自保
清泉激幽賞長松托遥抱念彼先達跡空爲後人悼
青山一見屬方知此圖好便欲移住之與山長不老
絕勝中書堂二十有四考以爲黃鶴樵此樵葉圖早

是故必隱淪白石翁所造

卽事

夜雨灑灑來與漏相終始不驚少年臥偏滴老人耳
陸沈漸相迫天漏猶未已西隣曉炊罷白粥清腴底
今年猶自可明年飲寡水東舍得順風號呼應鞭箠
可憐徵求骨共作魚鱉餌忽逢黃冠客叩門談玄理
燒金事已謬辟穀謀可耻那能一身活坐看群黎死

弇州山人續稿卷之五

弇州山人續稿

卷之五

三

飲金事已謬辟穀謀可耻那能一身活坐看群黎死
西鄰曉炊罷白粥清腴底今年猶自可明年飲寡水
東舍得順風號呼應鞭箠可憐徵求骨共作魚鱉餌
忽逢黃冠客叩門談玄理燒金事已謬辟穀謀可耻
那能一身活坐看群黎死

卽事

是故必隱淪白石翁所造

弇州山人續稿卷之六

吳郡王世貞元美著

詩部

五言古

奉題 師真十札後

圓溷游蛆虫爽然謂清冷卽且甘其帶了不悟腐腥
擾擾蠻觸間忽已迫頽齡和壁點來多無地不青蠅
幸遇慈悲母憫念我頑冥灑以甘露津挽我胎氣零
授以黃冠縑繫我垂解形密契托盟辭彷彿夢乍醒
累帑皆小隸煜若周天星至寶雜流沙誰能簡其英
弇州山人續稿 卷之六

湘縹白玉軸奉之同六經月窟驪龍居所至必服膺
得魚良世覲忘筌豈余情

荅帥禮部機

武夫各自珍片言別和子欸段以康莊目前棄千里
日余成苟步迷陽來見枳一飽清泌流杜門掩其耳
夫君厭承明分曹佐三禮俯仰六代間愀焉歎茅靡
思祛青雲尚遐結中林軌開械何所有有蘭復有芷
雖復重襦之芬芳不能已金陵羣少年斷斷鑿其齒
自非曠士識安能排衆毀佩璧寧佩瓊買駿寧買死
千秋自有伸誰能更論此

授產兒輩作

今日何宴會畢享餽其餘兒女前跪列手授一束書
汝祖饘粥資非窘亦非舒齋中歌九友汝父日與居
棄之忽若遺不復意躊躇緩步西南去落日照精廬
一瓢挂空壁其樂當何如

其二

仲兒僅十三少者乃十二頗解學佔俾不曉人世事
一旦付以家母乃爲之累吾患在有身况彼兒女計
興者任其興廢者任其廢何必學龐公盡拋洪濤內
斗大一團焦竟然若天地

弇州山續稿

卷之六

其三

吾咲向子平讀易無多日既欲遊名山何待婚嫁畢
向平亦笑吾汝能棄家室胡不蓬累游局如禪中虱
但令方寸寬彼得此寧失不見阿閼界掌之置容膝
大有終南人白首爲名役

病瘡作

今年氣候惡瘡鬼何太橫三家兩家泣十人九人病
延醫醫伏枕呼覘覘不競余方侍師次驟熱如就甑
扶劍叱此鬼么魔當敬聽速各歸其所毋爲索余榮
鬼拜前致辭小邪敢于正唯是旦夕間徃徃遠相偵

坐臥必當風果餌非時飢四大不自持三尸轉成橫
不然吾曹力焉能操公柄公但時自愛鬼當奉公命
洒然夢初覺攝念入清淨從此尼連河盡作四禪境
答錢功甫文學

錢郎嗜讀書巧若蜂采蜜發而爲詩歌誦者齒流溢
餘事乃臨池入品果能逸新篇左司價小草素師筆

二公皆錢姓

三絕名總高一貪筴安出掃葉煨地爐不暖

懸整室湯藥近戢身晨昏長繞膝無心問月旦有口
從甲乙貽余游仙詠白雲爲蕭瑟晚合方自憐况乃
清狂疾胸際祖龍火都焚惠施帙握中靈蛇珠翻從
弁州山人續稿卷之六

三

象罔失分無英瓊瑤來美不酬一老余東山臥勉爾

西京日

張伯起丈創悔世緣閉關繕性投詩見貽超然
之致聊尔有答

我愛張平子清標冠吳趨夷然忘四愁不復賦三都
白苧明下童寶玦酒家胡一草思玄篇棄之忽若無
甘露沃靈根蓮花產雙趺魔窟伏大力其始乃烏兔
惜哉夸毗子劇心趣塵途縱復浮名至是身安得居
拂軫報同音毋令流水孤

謂 曇陽仙師純節祠

皎月出高天團團照靈祠中有一片心晦朔長不虧
秉介在韶羊抗節矢幽閨寧希世人是况乃論情私
臨當就羽化金剪裁綠絲芙蓉秀朝旻根不棄塗泥
過客盡迴車而我思夷齊何必沾殷粟然後首陽薇
智者快其仁愚者惜其饑焉知非冲舉千載復來儀
吊徐郎新墓是 仙師留髮處

鬱鬱徐攏栢盤盤若車輪新家埋舊棺舊鬼作新人
伊昔盛年子薄命多苦辛結憤向黃泉千載永不晨
何意靈仙顧嗔枯起沈淪雖靡蕭史諧不共韓憑倫
留魄侑純心逍遙於八垠匪直夫嬾綱再迴父子仁

弇州山人續稿

卷之六

四

過者無愚喆疇不羞芷蘋嗟嗟一髮微其係乃千鈞
從弟瞻美保氏五十以詩代觴得古體四百二

十字

睢陵肇京洛始興振江介弘譽籠一時休風潤遙裔
至今青箱學猶擅烏衣最王父雅樹滋歎歷徧中外
肯構得若翁工冶差有賴惜哉君子澤徃徃食之既
丹穴終自深苞彩未云墜跌宕執袴間瀟灑見吾弟
頎然一野鶴忽凌雞群至十五二十時三日兩日醉
百萬盤龍擲二入桃花伎歌翻阿鵲鹽舞按迴鶻隊
胡笳作人語羯鼓解琴穢時時沈冥中徃徃露狡獪

中歲稍折節讀書獵大意晉談自風格異粧出姿制
姓名借客重裘馬從友敝雖靡公業田而耽文舉會
手折馮驩券身避周赧債任俠鮮倦時問產無完歲
偶沾一命榮宥作五斗計溫清幸無缺甘旨巧自致
何必欣捧檄然後成毛義伯仲不待年遺孤我衣食
餘澤霑間左英聲噴朋輩余解山南節頗諧道州契
花發不孤賞玉頰或先睡醒讓白眉良醉思火攻利
汝衰俄開五髮宣面猶醉相與追曩者彼此如夢寐
懸弧嘉平末在冉見春事瑠樹十萬枝枝枝吐新媚
北堂勝事饒南榮賞心萃芳壓珊瑚滴寒凝水晶脣

弇州之續稿

卷之六

五

燕寢瑞龍涎中宵鳳凰淚是時月過午長庚蚌珠配
老余慕獨醒對汝謝尊釀却聽萬年酬問解羅衿未
毋論爾知非亦不解我是醉者與醒者各各葆真氣
競揮魯陽戈頓挽羲和轡從此無累身相將共天地

自警

飲光跡樂章形天舞千戚業從定中現死作生時劇
習氣苟尚存窮劫猶未息所以西竺言蕩然淨八識
而我獨胡爲苦搜昏上跡淺或解焚誦粗能節衣食
忽起人我相紛紛填胸臆雖或祛之早猶恐中伏匿
森風突如來吹入羅刹國惡固不可爲善亦竟何益

善惡了不思如如湛常寂

郁人文棄諸生見訪道院

憐君負奇尚抱膝梁溪濱一日成黃綺千秋安素臣
訪我白蓮社啖之青潤尊春風穆然來小語破沈淪
何必呼濁酒然後寬君壘

匡南王孫奕臺

襄王意不憚與客登蘭臺倚醉納雄風披襟呼快哉
時無宋大夫俊語爲飄埃朱邸出豫章阿閣表崔嵬
瑤塔拔地起寶楯中天開一葉將秋氣疑自匡山來
沆旌日夜零注我芙蓉杯一吸潑枯肺再舉化濁胎

弇州山人續稿

卷之六

六

主人仍郢倡和者皆仙才笑彼吹與繁日夕市塵埋
題懷白草堂爲朱王孫賦

知白啟玄宗醉白慕芳規詎若瞻君宇死然白華思
同姓諸侯王汝父皎不緇河間茂經術陳留摘令辭
璽書一見旌不億稱宗師斯人老空谷朱邸垂素絲
最哉念美壻毋令墨子悲

感事偶成

燕坐環堵中蠅聲雜然至世路豈我妨物情各自爲
有身亦何患無諍乃三昧瞬息風雨過水輪絕織翳
加我我不戚語彼彼轉恚一飯兩粥餘飽卽騰騰睡

贈無住道人徐孟孺 孟孺強余顏其羯磨之
室余謂孟孺於道可謂精進矣第其居平敦
孝友則思齊曾閔堅操履則思衡憲次精訓
故則思凌服鄭工文字則思楷左馬雖種種
善勝於相若有所住者茲舉將無類是乎審
爾恐無以當竺乾古先生玉宸大道君首肯
也爲顏之曰無住而系以數語

汝不從相生亦不從相滅云胡爲相住幻作一切法
有住闇室中觸眼不見物無住日麗天疇能遁毫髮
六用時現前真空了不涉超然三界外何縛亦何脫

弇州山人續稿

卷之六

七

我本綺語人年來畏犁舌爲汝說無住乃至無可說

晨起作

秋夜初未央秋暑漸已辭籠雞養來懶欲啼復何遲
是時盥漱畢飯禮三界師首開貝葉編清梵珠鬘纍
金剛般羅密觀音陀羅尼大易老氏經人天所並持
讀罷出中除海色正希夷黃庭發清唱餘音逗迴颺
稍稍見東林徐徐吐半規山蔬佐脫粟啖之甘若飴
灞橋霜滑處景陽月沈時小亦雖刀競大則軒冕羈
而我獨何幸獲與木石居四體豈不勤中心澹無爲
一徃五百日所得寧可訾肯學漢太常不齋便如泥

題子威侍御贈其宗人劉大恒詩後

子威手眞諾時諷運題象激詭慕玄跡熹微傲清唱
頰矜南華博亦取歲星放把臂中壘生宗盟欣蒞匠
志凌絳庭杳氣挾玄圖壯將無鴻寶啜不惜驪珠貺
余叨塵中晤未解無始墮是以安挫名怡然餐物謗
所虞江乘泄苟免曼都誑去去勿復輕鰲趾有風浪

題離資園小山

離資園之壺隱亭小山東西僅三丈南北半
之高不能二仞中漚一小池南北僅五尺東
西半之而下有泉脉非大旱不至涸中藏磴

弇州山人續稿

卷之六

八

嶺澗壑橋梁之屬皆具體而微遂名之曰壺

隱山爲賦古體一章

昔余陟叅山秦楚寬自坳大小七十峯峯插空碧
紛來眩目境獨徃疲足力及乎汎洞庭黏天四無壁
日月涵兩丸魚龍蕩九罫如何舉武閭亦具仁智德
泠然一蹄泔緣以數拳石窈窕若徑庭沿洄似無極
步步苔誤碁時時蔓鉤幘山巒作古樹瓦松僅盈尺
不任祖龍鞭寧堪巨靈擘被以澗嶺名居然無慚色
勿歸壺公袖爲我媚几席昔覲何足奇天地有時窄
黃憲子先輩弱冠受知吾家敬美今年秋閏過

吳門扁舟訪我弁，上出所撰臨華新草及北征
稿讀之，蓋洋洋矣。賦雖吐一斑，足窺全豹靈光。
洞簫將來當不過此。至於近體，出入初中時挾
梁棟之氣，不耐點檢，恐指南之車切玉之劍未
便可已也。僕既欽其才，媿其志，因成一章以效
微箴，憲子當不逆耳哉。

威鳳雖未儀，其彩必九苞。誦君河東賦，燁然見一毛。
矯翼叩天闈，長鳴瑞聖朝。大雅既寂蔑，正始出劉曹。
齊梁傳脂澤，膚立復牙孽。景龍闢康莊，天寶挺群豪。
體變雖向俳，骨勝神自超。子其慎爾趨，通蔽勿輕殺。
弁州山人續稿

卷之六

九

璞玉希連城，寧辭劇珠勞。

楊翁八十述壽一章

昔多長者游，弱冠忝公車。是時楊翁父業已八十餘，
啖我園中橘，酌醴鱸神魚。翁時侍其側，恂恂復怡愉。
轉盼能幾何，翁壽差亦如。已損負郭田，僅存立壁廬。
人是羲皇人，居卽畏壘居。但貴心樸誠，何必口詩書。
笑彼夸毗子，營營錐刀趨。所竊若已盈，所得無乃虛。
勸君安棄梓，化日正舒徐。

仲氏棄官學道投詩見依孖此爲答

三教星月日精光，或相鑠識者探其真。從乳出酥酪

么麼任蛙紫法象炳丹艱仲氏窺甘源欣然頂門勺
至味中自賞大飽無餘嚼朝蔬發轍函夕舫下伊洛
豈伊微罪好狗此孤臣托置網彌川原那能慕寥廓
鴈序中所私鴻冥借足樂世親皈大乘其自雖無着
玄樊梵天來長捷潛井絡駕言定錄君仰資太元格
竊窺遠游品翻與思玄邈從兄義則安當仁爾毋卻
所虞皦皦地象罔竊真藥

其二

大道寧徇人俗情能不睽安見汗潦內有物吐虹霓
茅翁管叔申調達謗牟尼肝腑不相燭何況大闡提

龔州山人續稿

卷之六

十

名利巧愚人往往使識迷喧如百蚊蚋溺若一醯雞
實彼九秋條謂等三春莢俯仰天地間慨焉思夷齊
吾弟稅輜軒改服友鹿麕鍊身二華巔紫氣爲之低
濯濯青蓮花以根拔塗泥而我尚攻中焚結不受鷗
西畏弱水航上慚玉京梯晚途僅自克何肉與周妻
耕則共地肺居則保天倪

腕瘡劇病不寐戲成示敬美

冉冉月墮檣浙浙竹敲瓦呻吟不成寐數至街鼓罷
我羨畢陵伽視身如土直拚此半殘足博得全般若
四大非我有誰爲受痛者此義頗亦聞其如不能捨

前詩似欲得吾弟一轉語耳乃報札謂不能分
痛又云四大爲累只得調耐因更成數語

後痛猶未來前痛已過去唯有剎那痛與我復無與
欲覓止痛者亦復不知處是以忽見寃寢息了如素
循覓分痛言將無手足故與約更不痊割棄門外路
永嘉朱叟去吾州學正後五十年而其邑人陳

子繼之莊秀才遜學後先獲事焉乞余言爲
贈曰東嘉繼美

東嘉比東魯禮樂何臻臻窺經見崔服問姓乃朱陳
先後博士師作我妻侯宿絳帳宛而舊青衿俱已新
弇州山人續稿卷之六
十一
惟應垂白者猶是守玄人

封君沈翁七十壽言

父書既讀盡遂讀天下書兩兒佩庭訓比翼升公車
大者汝南君小者承明廬脫汝白苧衫飾以黃金魚
克庭盡和氣遠靡皆璫璵有時寫入詠虹霞吐階除
忽爾釣四腮日月付樵漁能令紙價貴又使俗情踈
楚澤縱元緒魯門饗爰居喧寂太非性擬公安得如
我有盈觴酒微規以當譽願保四餘言永爲百歲儲
辰玉應試留都賦此贈之無贈孟孺

欲識操觚業爲之無以爲熟若轉危旒專則抱卵雞

靈臺僅一寸武火安所施

其二

棘口番沒際秋榜將放時要須覓真我勿述未波馳
一番煨煉過大道將庶幾

其三

鹿鳴歌甫罷紅潮登臉色十里捲珠簾三衢緩金勒
勿起人我相須籍恬懽力

其四

徐鄉子同好翩翩厲風翼今日雙南金他時契與稷
毋輕露宵光世眼易爲白

弇州山人續稿

卷之六

十二

馮京兆先生挂冠其子咸甫赴公車言別需一

言之贈

馮唐厭郎署拂衣臥滄洲有子字王孫頗與史長游
冥志越三墳英風隘九州飄然赴公車甲第焉足酬
三語司空椽一疏富人侯鄙意稍不然良玉戒暗投
不覩長安市談笑生戈矛桃李駕春風獻態不自羞
憔悴離根株零落委道周竊窺松與栢偃蹇若潛虬
鬱作清廟材竟爲匠石收出當承八柱處當傲千秋

答伯起丈見夢之作

張卿留侯裔中歲慕黃石螳觀一世豪消搖於八極

寄此溱園蝶薄彼天門翼宵分營夢余披襟話玄白
恍若楊侍晨親綯子喬烏緒語猶可尋清徹條難卽
起觀銀漢秋白榆何歷歷裁詩紀相贈意我或有得
而我未解脫凡情宛如昔焉能他心通作汝屋梁色
欲馳樂令駕一解衛生惑試觀醒後身何如夢中覲
宜興吳詹簿見貽山海珍錯走筆爲謝

巖臥應未深故人跡能繼雖辭何胤肉尚餘許詢餽
麋膾批玉鮮茵蔕縷絲細食指了不驚饒口喧兒輩
亦知人天供奈此禪悅味

爲汀州王別駕大願贈彭司理而珩

弇州山人續稿

卷之六

十三

漢庭貴張趙文吏爭讀律吾獨愛彭宣時時飾經術
霖霖使車雨晶澗訟庭日數登謝公樓一揮始興筆
推按汀溪寫杜笏西山入別駕老安豐爲余頌畫一
乞詩代庖刀三事行可必

歲暮卽事雜言六章

晨粥盪一甌饑卽煨芋栗擁衾就背騰墮竇避蕭瑟
守令不見存山人無曆日有曆固自佳無曆亦不必
誰道不知年新年是初一

其二

七尺虎軀將自言能學道舌底吐蓮花心頭發殘燒

東家怨除目西家盼邸報欲出中既熱欲處脣亦燥
何似兩不關遽遽睡一覺

其三

衝寒裹頭出剥珠何太緊徵施勝徵稅責文如責進
財枯思復竭拒之則不忍何不焚筆研深山採薇菌
慳心久已無名根或難盡

其四

名場走豚犬秋風偶先登乍聞亦欣然門戶或可馮
雙眉豈必蛾謠詠從此興兼復天雨雪時時念凌兢
記取未邁時廓然只愛憎

弇州山人續稿

卷之六

十四

其五

天地豈不仁來爲鄉邑讐疫鬼日夜侵盡室委陽侯
長吏佐凶歲存者復纍囚丈夫具七尺豈但妻子謀
朝粥與夕蔬一飽良足羞

其六

玄冥多慘駕義魄解停軫故人偕密戚落落晨星隕
沈淪醢中雞促數露下蘭新事久已知偶然生不忍
却顧淨居天花冠亦萎頊

送周子禮太嶽玄帝宮

北極下明神寄治參之峯金字薄太清玄旗散靈風

皇王隆秩視萬姓皆朝宗周郎江東彥真心事真空
胡爲挾辦香塌屢趨其宮我聞天大將九有托帡幪
焉知非冒索現身於其中最爾醜雞士窺管安得通
勗哉顛子思歸語將無同

卽事

愛弟不赴官頑兒不登第世法若小虧於我乃私慰
積陰乍收豁春風滿天地大家團栾頭相與明得意
得意者爲何共此恬憺味

初晴策杖東郊作

二月行欲盡寒陰始微蠲今朝策藜杖行散步郊原

弇州山人續稿

卷之六

十五

何不命濁醪亭午自醺然柔綠猶未勻枯枿乃望妍
造物不自功偶然成後先但使受噓拂遲莫亦何言
爲卽師設夜供偶然作

適聞卽師歸咄嗟供草具燕筍斲春雲狗犯吠朝露
辛香溢楚芹柔甘調薯蕷徐進宜城粥玉脂戀湘箸
何必五鼎烹所得良已飲回思鵠形子半菽猶未固
一甘縱足快萬古誰爲度與汝誦五觀毋爲口腹誤

後雜言六首

食肉無馬肝不爲不知味飲酒無蒲萄不爲不成醉
軟飯一兩甌飽卽熙熙地濁醪五六杯醺卽騰騰睡

毋論昔者非但曉今者是

其二

有產不能問粗足供朝暮有子不能教亦足知門戶
屈指無累人眼底殊有數不畏去時景不覓來時路
役役筆研間終爲阿堵誤

其三

朝禮觀世音夕禮阿彌陀不願乘金臺不願產蓮花
聊以銷宿懣攝心使不它貴人背相笑禪者固譏訶
我亦不敢言自問各如何

其四

弇州山人續稿

卷之六

十六

割肝救父疾父愈喪其身捨身餓虎飽噬千人
怨親雖殊致違道恐亦均孝者信其孝仁者信其仁
古聖賢爲之我則何敢論

其五

由來大乘地不踏小乘逕滿口說大乘何曾有一語
或請承相田或借中涓柄開筵珊瑚擁發篋黃金迸
未必小乘人肯作大乘行

其六

客有冠蓋來強我談京洛昨日頌伊周今日詈莽卓
或笑佞非或嗤世情薄自古良已然二端俱不錯

是以潑水人洗耳安寂寞

偶聞有薦予者兒子自公車書來微及出處一

笑答之

君平昔棄世歸從此心卜採藥北山阿誅茅南澗曲
事佛始解勤愛書亦不讀昔者甘白簡今何叨薦牘
縱令借作眉豈堪下同目汝意或雞肋吾事已蛇足
終入壺公壺長伴鹿門鹿以此無兢心塞汝有竅欲
尚愧未忘言何如坦其腹

有薦新蠶豆櫻桃麥蚕者邀印師共嘗之戲成

一章

余州山人續稿

卷之六

十七

麥秋麥作蠶蠶月蠶名豆豆作綠珠圓蠶似碧玉皺
家老憫我饒傾筐前爲壽櫻桃况初熟可以佐春酌
念無水晶盤瀉自翡翠裏野人欣及新儉歲享慚厚
印師獨不然入口如傾濁天厨與貧里等付一飽後
迎葉湏菩提妄心分去就

送顧子韶臬使之山東并爲故人李于鱗子駒

有托

昔我游濟中于茲二紀徂叨陪雪宮宴地底噴真珠
闐電跑突泉弄蟾大明湖東南華不注燐若芙蓉敷
間携濟南生促膝黃公壚捲波白浩蕩瞪眼青模湖

回首萬事空于載亦須臾君今持節去奄有齊魯墟
齊風復泱泱魯道不崎嶇惜哉絃中雪不與寒山居
倘式元禮門長松餘幾株竊申孝標愧爲我撫遺孤
沈鐵山先生葬光福山輓歌一首

沈約千載人風流一朝息素旄發吳江送舟傾原劇
鄧尉聊卜隣光福棲真宅黃鳥聲自悲春原樹爲白
埋玉向土中誰能不心惻寧知龍變化夷猶於八極

感事

山鵲營樹顛壘枝猶未固一雛復一雛宛轉伺其唳
毛羽尚未成忽去不返顧縱無矰戈虞葦蕪恐中路
弁州山人續稿卷之六

十八

念我非慈烏馬能希反哺生自當風喧爲人慰朝暮
壽安毋王太孺人六十

夫人相國孫婉嫵閑內則及乎佐安秉素封日從闈
七誠以次脩千指欣受臧從夫旣已榮誨子乃終吉
翩翩宮彩衣昔從斷機織嗟嗟大官供復自九臆得
何以萬年觴膝前雙白壁

族孫亮臣少而孤伯子詹錄教之成鄉薦賦贈

伯子

儀部昔彌留手撫二尺孤豈不念芬馥疇當庇其鉏
有梓代爲橋結廕巨天衢風霜不見侵雨露日夜敷

青葱兩玉樹慨此同根株既成孝廉名重爲割膏腴
千秋許少府文讓名不孤

爲 襄王題中和軒

天運不暫息辰樞秉貞凝陰陽長調暢品物乃流形
一哉君王心偏陂了不生坐見春風來熙恬順吾情
所以陳思訓中和誠可經

爲 襄王題懋德齋

高齋何沈沈君王養淵默徵姿却鄭袖選藻踈唐勒
峴山不自高漢水何知益極日平楚暹油然被膏澤
乃知大王風來自君子德

弇州山人續稿

卷之六

十九

題 襄王收春臺

春風何處多城東大隄路君但收春來莫便留春住
散作襄陽春煙花十萬戶

題 襄王含春亭

初曦啟羣象茲亭獨先得君子感退藏翛然閉一室
珠玉豈不光含之潤山澤

題坦菴老人詩畫冊爲甥金博士

坦菴一老人蕩蕩躬履素里多明哲士琅琅相標署
詞翰猶若新人與庵非故居易仰前脩宅平諧所慕
介然桃李蹊迷陽安得妬方寸苟不夷羊腸起中路

奇言宅相子母爲狹邪誤

洪山人自永嘉偕肖甫司馬過吳門輕舟入訪
云將入燕赴平津之約余時病起爲蔬食以供

從容久之因成一章爲別

白日麗中天群星環北極麟鳳旣郊游猿鶴不遑息
策杖辭永嘉呼舸凌震澤欣陪元禮濟將首頓君席
余時病初起蒼苔繡行跡一刺破衝門胡床下東壁
暫割周顛嗜聊克井丹食宿醞桐乳濃新炊菰米黑
飯罷何所爲嗒然竟日夕空名無可借實際嗟何得
試看眉宇間寧無首陽色

弁州山人續稿

卷之六

二十

先師移龕日忽已三周晨興作供感歎有述

昔在歲庚辰仲冬月二吉于時自徐墓少女風轉疾
冒雨扶師龕倉皇以身相密幕無際雲熹微露隙日
倏爾四垂淨熒然一星出千旌闔續畚萬戶奏芬芳
師龕旣已奠余亦寧耳室雖謝衾枕磔而多筆研役
厭事事轉心問心心或軼良友多中潰豎子時見嫉
三載俄已周所得無一實夜雪射晶熒晨霞吐鮮霽
彷彿靈駕過能無內慙怵更矢蹈海言仰希出世術
將從咫尺地汎掃萬緣畢

見有演闕侯斬貂躡傳奇者感而有述

董姬昔爲呂貂蟬居上頭自誇頰帷骨作抱衾稠
一朝事勢異改服媚其仇心心托漢壽語語厭温侯
忿激義鶻拳背裂丹鳳眸孤魄殘舞衣腥血濺吳鉤
茲事豈必真可以快千里且聞抱琵琶夕弄他人舟
售者何足言受者能不羞寧如楚虞姬一死不徇劉
周子家會稽獅山傍因以獅屏自號其游吳也

諸生多從受經魏子請余賦之

會稽有獅山之子廬其岫生平富經術所至必教授
精言散不乳雄氣攝群聞壇專師利座義奪法王吼
霧豹奚足言雲龍終有遘何必擁臯比諸生群且就
弁州山人續稿卷之六

十一

題贈虹臯子

昔覩蓬萊虹維時午初霽恍若梵天橋旌拂擁螺髻
有橋吳江湄列星七十二連蜷下飲水天矯垂虹勢
結廬棲近臯之子托深契文彩成五色中含不平氣
雖等望雲渴毋取貫日銳變幻俄頃間造物小兒戲
何似以橋名千秋恒利濟

題海峯圖爲故金同文先生作

六鰲既失守十洲俄半摧蒼然東海色忽墮一峯來
插雲斗柄出浴日扶桑開停琴聽洪濤乘桴問九垓
魯連無世念安期有仙才高踪不可卽披圖良快哉

張秀才母七十

夫人昔歸張中道損歡讌清心玉同縈勁節霜不變
有子熊丸訓早登鴻都選歲裁尚方服日割大官膳
夫人不色喜謂爾必陳善持綱忤上宰積媿承嚴譴
相與耕綿田夷然了無怨今來賜環日再展添壽宴
欲知孟母賢請誦子輿傳

用韻自警

寂爾當春晝恍然現余過僮曉身外師不識師中我
逞筆亡所裁幾復釀語迴迴塗塗轉迷蹈海海仍苦
所執但空花而乃希真果俯慚抖擻念仰愧慈悲父

弇州山人續稿

卷之六

三二

名欲一線牽百誓成子母授之若微細任之終失墮
真一苟有虧畢生莫能補冉冉奄奄照沈沈北垵土
不解去日愁爲昧來時路試一喚王生王生必回顧
惺惺與昏昏兩反當兩助於此尚因循賢聖莫能度

夫入昔雖飛字直真實無欺少玉圓法變時下變
夫入昔雖飛字直真實無欺少玉圓法變時下變
夫入昔雖飛字直真實無欺少玉圓法變時下變
夫入昔雖飛字直真實無欺少玉圓法變時下變

弁州山人續稿卷七

吳郡王世貞元美著

詩部

五言古

贈別邢氏

邢子愿按吳入德之而遷楚藩少叅以去
不佞尤有慨焉因成二章盖比興之義勝云
耳

三吳昔沴癘原野何歲稊靈雨從北來爲我日夜滋
破塊將作膏潤枯將作萑早魃何相仇狂飈中奪之
弁州山人續稿卷之七

一展衡巫雲再展七澤寶吳民泣相响焉用直宰爲
虛矣咀楚言楚氓仍見私

其二

日余困邁軸上書方乞骸感君纏綿意報君纏纒懷
北風蕩征塵晝躡十二街我以爲兄弟焉知虎與豹
青鏡光不虧浮塵焉見霾韶年負奇蓄勝際未詎涯
樵衫黃金帶紫蓋白鼻駒楚遊誠云樂和郢况不乖

袁母勞夫人六十

吾友袁汝南英英瑚璉器晚達仍坎軻才高遽傾棄
少寬黔婁壺未必向平累七女僅一兒右軍邁全異

矯矯勞夫人爲之代終事婚嫁悉以償廬產毋中廢
誨子必義方不遷喻孟氏頭角俄嶄然箕裘當有繼
雅聞甲子週軒冕光照地棄榆藹餘照松柏綿晚翠
道韞無報客賢聲自吳會

故將軍何維聖自維楊來禮曇師畢卽出新編
見示斐然之感遂成四韻贈之

何遜在揚州輕舸訪婁滄驃騎雅佞佛將軍不好武
旃檀鼻猶馥牟尼烟還吐毋使罔象求留之媚靈腑
送顧吏部遷山東臬副并托訪于鱗冢

顧榮江左彥藻翰復超絕一辭笠澤雲十倡鐘山雪
弇州文續稿卷之七

水鏡含春溫冰壺朗秋月時煩巨源啟遂佐東秦臬
塞帷風決決擢筆霜冽冽舊游三十年約畧爲子說
上有華不注下有和郢骨微言猶若新與山闔噦
吾子雖異時同調必心悅倘表鄭公鄉千古偕不滅
余登第日一接故大叅甌東公二十年而遇公
伯子思堯君爲賦曲池草堂詩又十七年而君
之子季輿來謁出新詩一編云將有遠遊且乞
數言之贈感舊懷賢情見乎辭

早識叅知公矯矯一世師東序懸鐘鏞西清列敦彝
及乎覲象賢宛然慨風儀奈何同阿闕一見忽失之

接汝通家刺誦汝弟婦辭舊感熱心腸新好溢鬚眉
別業昌湖渌有無餘曲池荅言九州慕馬係一壑私
伊子論交日是我挫名時敢誇大父行勿言丈人知
贈慧永叅五臺畢復禮落伽過訪有贈

上人宗門秀雙瞳剪秋碧夕陽瀉山鉗晨操趙州錫
挿漢清涼臺截溟補陀石一見不再見欲得無可得
吾意且暫歸法堂草三尺

封戶部大夫次泉李德潤先生其先自閩中徙
豪衛京師遂爲京師人補博士弟子通經術
有聲而不獲第有子今儀部君蚤達以其官

弇州山人續稿

卷之七

三

封先生不色喜惟杜門讀書繕性而已儀部
用直言獲譴先生不色憂旋被召遷今官迎
先生養先生亦不色喜其夷然泊然者如故
也弇州生聞之曰先生其有道者歟選部魏
子曰子以先生有道者則子之言偏天下而
乃嗇於有道者何也辭弗獲已爲古風一章
歌以壽之

函右表地靈天京萃人傑英英李夫子徒豪自先喆
三藉方朔餘七工枚生發鴻都藝良就鹿鳴歌中咽
束書憐骭髀撫腹笑豁達慷慨拾類宮栖遲瞻魏闕

伏櫪雖已垂有駒早汗血粉署郎地官冰壺鏡秋月
一登考功最遂叅大夫未紫告標義方烏紗冒宣髮
閭里前爲壽雅非公所悅君恩固沈深汝職何瑣
屑維時上台拆望治群志切雖更覆餗鼎未監摧莊
轍桃李叢要津狐鼠窟深穴寒素多失職膏腴轉軒
揭御史一有陳襍被謝朝謁維時雷霆下臣才理其
說夫苟利社稷焉能避鈇鉞天聽不爲開物情轉成
鬱槐簡拖綠衫引慝謝親闈公爲喜加食汝志吾弗
奪疇擁黃屋尊誰伏青蒲熱堂堂中興代鳴鳳何寥
濶旣同臧洪日寧辭道州尉禦寇夫豈逢無官自足
弁州山人續稿 卷之七

四

活天心在仁直陰翳俄朗豁宣室旣生還絳灌亦心
折金陵佳麗地建禮鸞鸞列試問三釜隆胡殊菽水
啜拄笏龍江霞曳杖鷄阜雪有時指鳳游翛然羨高
潔氣養神自王意潛精不汨父道師友無君德天地
將我稱萬年觴蓋言不磨葆

二瑞篇爲靖江朱生頌其令陳君也

陳君自臺出爲靖江有異政而感甘露嘉麥
里節之瑞故頌也

皇靈大動變鼎席乃頻移天澤不自秘屯膏布弘施
江介有神君卓魯受良規欲觀馴規化稍戢神羊威

湛湛秋夜零灑灑露未晞承之炯如玉味之甘如飴
大地春風來來卒亦吐奇同穎表一心共穗昭兩岐
昔聞上元令清心感恩滋復聞漁陽守異政假靈祇
赫赫我仁君斯瑞乃無之祝君壽無疆惠我樂不支

蘭谷辭爲沈子賦也

苑苑谷中蘭習習微風吹馨香自相媚焉用傍人知
陋彼靈均子九畹廣見滋被以大國名貞之白玉墀
違性離故土雖貴非所怡欲識幽人貞請聽蘭谷辭
李本寧兄過訪挾客曰來君者其名相如其字

不疑與談而悟則吾貞吉先生也喜而賦長篇

弁州山人續稿卷之七

五

贈之

本寧別燕中十見秋草白忽通應門刺使我倒雙鳥
鴉鬢猶未蒼虬髯頰成赤寒暄未及展已進所携客
輕褱乍飄颺朱輔吐溫香擘然一顧盼光彩映蘿薜
姓疑護兒後名自長卿得稍停見隆準夢語通促膝
始悟自陶徒翻稱范少伯縱復紫可憐寧奪南離色
不戴遠游冠却杖遠遊策黃鵠摩天來肯作樊籠翻
剝棗溫濁醪展歌恣懽噓牀頭挂君畫袖中出君跡
神交復會面數載今一夕却顧斗柄聞叅商當不隔
勿問王孫歸所愁關尹識

贈別陳從訓時余且入山矣

少年不見值晚合便成離以我絕絃際逢君納履時
初聽有心磬旋展無聲詩雲霧勿輕墮風流猶在茲
還聞金鰲背差堪筮鶴期

俞山人公臨卜築陽羨賦寄一首

京洛饒賢貴吳會富華腴雖復堪身筴要非中所愉
仰希上皇風俯卜靜者廬荆渚無濁流陽羨有幽區
山自離墨來溪由晷畫舒以茲畊蠶業不復廢詩書
春問茶女茶秋逐漁父漁朝饑拾野穗晚供剪畦蔬
蓬累故何滯鶡適當更餘竊從柴葉叟相爲咏移居
舟山人續稿卷之七
毋使車馬知令汝蒼苔踈

六

曾舜徵令長洲有古循吏聲實而臺評當調作
此送之

伊余窳草莽忽忽末景馳閭井有公言賢令將解龜
忠恕佩家訓三省日孜孜云何貝錦繁致此投杼疑
圓魄麗中霄織雲來翳之迴光或不矚真體乃無虧
膏雨乘春布沮洳稱不宜寧爲流潦故悔此天澤施
卽墨非吾恨中牟竟而師追誓內逾密委運外自夷
但使素絲存寧受墨子悲勿以黃綬屈遽咏陶生辭
泰二苟朋亡知當未遐遺贈子幽谷蘭一佩三紉之

清芬幸無故行當被條颺

張助甫中丞自夏州遣信問存侑以三月俸曰

爲米汁費報謝一章

上元之來夕有鴻自征羗中丞三月俸使者萬里粮
上言識區區下言結不忘書窮迤角見朱提爛生光
冰雪滿衡荆藹然自春陽日來不飲酒酒家無鵬鷁
亦復不噉肉屠門毋責償蹲鴟足飽饑懸鶉有餘裳
念欲返君嘉友道非所當西寺充檀越東隣佐貧喪
南陌飯芘菊北渚成徒杠以此無住施爲君彼岸梁
竊聆叔則言載佩原思章吾儒亦云云毋使廉惠傷
弇州山人續稿

卷之七

七

壽九房三仲季之母范六十

昔我伯父行魁然鄉耆宿生平恃豪舉晚始虞嗣續
絡秀來爲備熊羆瑞相屬鼎立丈夫子遶膝皆峙王
伯仁故亭亭阿奴不碌碌季春壽筵開琅玕紛觸目
始歌三婦豔繼以將雛曲但誇河東鳳何論羈栖鶴
不學西隣女幽蘭媚空谷

成化乙酉世大父郎中公捷留省遂破吾族天
荒今年復爲乙酉而猶子士駟入太學應試恰

與大父同庚賦此期之

昔歲乙在酉伯祖尚書郎隻手探月脇一枝破天荒

遂令素士族重喚烏衣王冠冕蟬連來一百二十霜
素梓有餘暉蘭桂無不芳汝生在庚申雅與伯祖當
昔阻上水灘今來順風檣汝父游成均不能掩夜光
諸生皆避席祭酒爲下堂汝兄歌鹿鳴矯矯千人場
餘祥發麟趾勝事徵鴈行努力崇明德淮水日湯湯
元瑞計借過吳入訪舂中留飲有贈

日予欲無言吟詠亦隨廢塞耳空谷中足音胡然至
之子匪俗歡夙昔申末契掩關二載餘日與黃卷對
鹵莽一世眸穿落千古事 聖主御明堂汝乃隨計

吏應門故所習踉蹌手其刺一見肝膽披軟語若相

舂州山人續稿

卷之七

八

媚中厨出旨酒亦復饒異味鸞刁縷黃頰雕盤釘朱
柿秋色在芙蓉客醒主已醉四坐且勿驚見有此人
未但誦子虛篇何待楊得意

壽舊幕僚宜興吳君六十

我建襄漢牙君叅芙蓉幕皎鏡壺中冰昂藏雞羣鶴
攝邑貽邑思辭官鮮官橐攜脫墨綬榮經營寢丘薄
溪山相映帶心跡雙寂寞十味茗荀新兩收魚鳥樂
素封亦何道紅友時斟酌地僻日似羊身閒夢不惡
念予嗣嘉遯所愧名未削遠信勤柿栗飽殮慰藜藿
甲子君後週精神迥如昨竊致三叟言用爲千秋藥

長作武陵人桃花任開落

題鳳凰集圖爲陳德清應召

鳳凰出丹穴萬羽相因依今者集君庭孤鶩以徘徊
匪爲聽簫韶毋乃攬德輝阿閣麗層霄雄鳴應朝暉
肯學潁川守終貽鵲雀譏

送喻隱雲先生歸常德

余學道七年矣而未有所得今年冬常德喻先生
自建昌來自言拜南嶽王薛二仙人之秘余
受而行之不三日而證奇妙種種不可殫述去
今而往唯有無思無爲勿忘勿助而已先生別

倉州火續稿

卷之七

九

矣余無以報先生願先生韜光隱跡必擇志士
仁人而後授之異日雲輶霓罕間不令猥雜致
罡風吹墮可也五言古體一章以當左券

清微大赤天徃徃多闕職欲鑄人間人去克蓋珠伯
曇師誕先登余乃甘舊謫七載猶滯滯三環同棄擲
幸逢踰少君喜氣滿大宅銀海湛澄波玉池漱靈液
傾蓋若古歡披襟慶新得自云少無賴陸博恣酒色
行尸鮮生望立骨愴期迫偶從衡嶽歸乍迷襄城跡
道逢二仙長不飲亦不食揖我霧露中栖我石崖側
躡鴟餒我饑蒼蘚分我席夜分仍見憐軟語相對藉

玄牝豈異門谷神有真的一氣皎指南衆流皆拱北
始若晉陽甲祛除靖肘腋繼如時雨師九有感蕩滌
鐵鼓以次開金輪長不息坎離本天媾任督寧二脉
九宮漸充盈百體各輕適何必守庚申然後蠲死藉
余意了不疑三宿而自獲方欣順風拜忽杳凌空鳥
邂逅成睽違倉皇悸心魄葉葉雲四起亭亭鶴一隻
宛宛武陵紅迢迢洞庭碧君擔日月行遺余天地塞
前因已小露後果莫輕悉大道故不私玄機帝深惜
栢溪翁寫竹妙得彭城墨派而不輕爲人作以

故傳世頗鮮此帑僅以數枝寓意耳而盜態溢

金州山續稿

卷之七

十一

出乃子尚書公刻之石摹本示余不勝仰止敬

題于後

子猷愛此君不能一傳神誰爲傳神者峭舊得其真
前有文湖州後有王舍人沈翁天機活不借丹青色
盡吸淇澳秋縮入文園墨披稍鳳尾振寫籜龍鱗坼
興來兩三枝勢若一萬尺翁乘葛溪杖轉叩湘君宅
零落吉光裘片羽千金直幸有鳳沼兒摹之於樂石
石能使竹壽竹能救石頑遂令風雲氣長留天地間
羨牆莫深慕徒益淚痕斑

輓七十六翁少和盛先生古體一章

秦人刺扁生曹公傑華氏念非邁克殘此曹會不死
盛翁拔秘方且復精名理肘有青囊書舌餘上池水
出奇不爲恒所治人立起手診貧兒腕巷停富客軌
義聲冠當時顛瘳亦爾爾昨歲冬仲朔衝寒過吾里
宗戚若而輩賴翁錫餘齒華筵簇高張鄭聲奏綺靡
翁去不復顧自抱琵琶妓風流一朝盡有藥它人餌
七十六年春花飛逐湍駛猶舉逸少云樂死勝二子
爲棕雖不同傷生亦如此惜哉三仙翁制命不在已
咏碧蓮花
蒼初正碧久之則純白矣

苞蘂色正碧碧如碧瑤冠舒英漸純白白勝白玉盤

舟州山人續稿

卷之七

十一

雙成粧甫畢西母宴將闌醉馭羣鶴苦雪翎盡摧殘
送印上人朝五臺

僧朝五臺去毛孔皆文殊及乎五臺返文殊爲有無
清涼卽煩惱欲界是仙都吾愛仰山弟從他來意孤
譚道人自豫章來致宗良王孫詩一編爲訂而
序之復成茲章示宗良

客從西江來鯉魚銜雙結魚腹了不腥蘭芬中自發
王孫天潢秀興詞何勃鬱奔騰失前輩擺脫謝時傑
調古意必新才工理非別力迴彭蠡瀾欲表佳廬截
四顧無當心徘徊取真悅敬禮昔杳然玄晏本虛少

笑此垂盡軀爲君千秋設

吾州趙僉事先生伯京自號震洋蓋卽東海也
先生官白下時白下諸名賢皆爲之咏歌署題
至圖畫其事四紀來則先生久游道山而諸賢
亦無在者其嫡孫太學某出以示余不勝望洋
之感因題短章於後而復志之

昔聞西竺言於東有震旦百谷萬古輪黏天浩無畔
赤日蒸綺霞光彩交凌亂夫子鐘其靈少小富篇翰
齊汨搖地軸泓渟如星漢羣賢悉河伯恍然失其觀
是以必朝宗驪珠挹無算中垂仲尼志遂與魯連歎
弇州山人續稿卷之七

十一

化鵬得道遙騎鯨歸汗漫馬觀雲氣中期美不相喚
贈別胡生

晚途頗厭常胡生實奇絕磊落饒意氣昂藏秀風骨
春城喧吳趨絃管中夜發忽彈廣陵散寄思在寥濶
泠然中心賞焉能婚時悅無竽耻齊濫有璞甘楚別
少年易窺人不爲兒曹說

元日探梅前搗得數枝作

條風煦元正令我寬眉頭偶成探梅句遂作探梅游
捨策凭小僮柱頰枉前丘一點兩點踈千枝萬枝稠
目境固有殊會心並悠悠行人且莫折留媚我清幽

題朱上林所贈錢舜舉太白觀瀑圖後卽還上

林

佳廬萬古瀑太白千秋才兩奇偶相值後人何有哉
及展舜舉圖况登文殊臺立起青蓮枯來聽萬壑雷
始知丹青力可以迴寒茭

其二

昔余賞朱生

上林父太學邦憲也

颯爽瑋李白喉間白鵲掛宛

若瀑布直此圖傳李神卽呼朱亦得急還其家兒置
汝高齋壁好待寒月來悠然想顏色

將赴留都司馬出門作凡四章

弇州山文續稿

卷之七

七

五十始加一條然嚮巖居六十尋已三乃復就徵書
一念苟不堅百悔與之俱倦馬臨畏途十步五踟躕
問我何所戀問我何所湏我亦無所湏但顧我頭顱

其二

今辰復何辰二月吐嚴霜散廬非我室故里非我鄉
病弟強巾幘病妻尚帷床小語報國恩勿作兒女
傷出亦以彷徨入亦以彷徨淚下如綆縻欲答不忍

詳

其三

徘徊楊林陌顧瞻先人墓螭首松栢椒垂垂泫珠露

王綸旣三沐暝者忽若寤白首銜弓旌豈以浮榮故
小欲酬 帝恩或可扶天步哀鴛有如此終應問
歸路

其四

曉步城南隅入辭導師廬戀此蘿竹幽愀然就微車
於道豈有當供奉十年餘候吏滿河干旌旄溢川塗
不知爲誰子顧我了若無雖垂箕穎尚恬憺庶未渝
遊攝山栖霞寺頗得泉石之勝因訪明徵君僧

紹故址讀江令諸篇遂效其體

宿雨歛西昏翔陽舒東白松澗紛相悅溪喧若趨敵
會州山人續稿

卷之七

十四

迤邐叩山椒喜微露榜額焚香禮空王問飯得香積
靈骨吐雙圖佛螺現千碧興來不虛返緣源漸有獲
飛泉激冰雪餘韻鏗金石一線脂螳通雙崖巨靈劈
如聞大士音悅作海潮色徵君畢世栖冥心自樂國
江令終宵憇返念仍談宅伊余迷晚徑一壑垂定力
已慚戰勝肥虛戀囂中寂逝言滌無明將從度公柝
縱步攝山頗窮名勝有作

茲山寔靈秀弗鬱如團緞窈窕隙日穿辛眠洩雲散
忍草屐不妨名藥囊堪滿湧瀟勝垂乳疊石疑叢
易窺法王像難跡徵君館忽有巖梅發如逢勝流歛

酌水當醴觴撫松韻清管日昊不知歸焉顧足力短
明發望臺城戒徒心更緩

追和江令靜臥栖霞山房望徐祭酒作有懷趙

祭酒

夜靜絕梵隕地幽宿嵐陰警鶻振棲羽飛泉來達音
因探作者詠時攬故人心講席鱸初俎經壇杏欲林
西方既中返北固敢希欽幸以哀遲感毋復望臣深

古意寄伯玉司馬

古道邈以乖雅尚人自疑日余與君子結髮媚清時
棄置何足言千秋以爲期鄒律噓春陽被者尚參差
倉州山人續稿卷之七
見龍雖在田文明光四垂鳳衰將何道六翮猶未摧
近將因風往消搖於咸池

其二

金陵富英彥甲第亘中達短刺日夕馳跡往神不嘗
寧知塵中尚乃在黃山陸容城旣壁隕濟南復蘭摧
頓仰宇宙間知已日以稀紉袖雙鬢金三枯芬漸衰
幸其未爲齷持用表心期

荅汪仲淹

日余栖崆峒九陽坐晞髮承子問道言片語不能荅
今者游金陵復騶日喧囂過耳了不停當機時自發

真宰失玄珠寧爲罔象設頂生慕帝釋舉念成一蹶
有身亦何患無生寧待說擺脫有無關悠然得真訣
承太宗伯姜公少司寇李公邀同大司寇陸公
少司徒方公陟牛首山有述

金陵信佳地茲山仍麗觀標形自牛首遙勢應龍盤
叢楸入畫墻長松當夏寒雲梯界危漢梵宇繪層巒
仰窺象緯逼俯覺塵世寬江拖萬里練巖橫千仞丹
追昔始興議聊深冶城歎胡云表雙闕毋乃文偏安
巨明一開闢奕世乃勝殘文祖時駐蹕神孫此迴鑾
天子自有真奸萌焉得千雛雛鳳游圃衍衍鴻漸磐
弁州山人續稿 卷之七 十六
朱衫雜縞素白社容簪冠方藉禹功大况值堯世難
將至祖堂過嶺迓聖牛首

脉從牛首來勝自茲嶺始足力雖小疲目境殊未已
午照蒼松巔千崖被紅紫恍如帝釋天鑲金飾睥睨
色相故以空美心何緣起

祖堂

大道本無統茲統乃融師智巖敷五葉鶴林橫一枝
任爾黃梅發差強未熟時

恭和蕭京兆感異夢得地構樓甫成而拜

命之錫俾余以詩紀之

梁德一何長，炤灼光來裔。八葉秉台衡，餘休猶未替。
侯其名家子，通顯身自致。傑構入幽夢，奇徵協雄思。
武姥當倚欄，淇塘曲環砌。雲霞鬱繚繞，竹栢獻葱翠。
燕賀客席初，鳳銜王綸至。臣岡百稽首，奉之踰六瑞。
山君日來朝，斗使夕相媚。非由地靈藉，詎表天文麗。
赫赫蕭京兆，食息銜恩賜。

右司馬私署之兌隅，有軒三楹，前列數石，若岡阜植以時卉，一命觴觴之系以長語。

昔余圃離資壘石，當軒牖間，借凝霞崇，暫收停雲黝。麋鹿性所便，鶴鷄願毋負。不謂志轉奢，遂闢畝中畝。

弇州山人續稿

卷之七

十七

莽蒼跨隴植，歷落排空阜。却顧舊所栖，曠若吞八九。
晝汎窮淵源，宵遊墮參斗。主席或不冠，客衣從短後。
易世非所論，此生畢吾有。何意咫尺書，遂奪匹夫守。
問我官何署，叨從司馬右。問我居何所，尚書巷西口。
旣鮮履道竹，亦闕彭澤柳。造物或見憐，謂我癖如舊。
石頗餘數奉，地僅盈十肘。敢煩離資較，宛尔一培塿。
衣以朝榮花，聽雜野生莠。亭午初散衙，欣然緩其綬。
尚兒致盤飧，海兒捧卮酒。何必高軒過，愧我自稱壽。
人生百年內，所值皆歸偶。安能歌五侯，且躋豔三婦。
却問洛城南，金谷今在否。

翻屠長卿談道

漢武招炎柄神威鞭八荒貴富無終極歡娛焉得長
上感西母精譬說將萬方靈藥點行尸非腐僅成僵
太白宦不達蓬累因風翔自云大還就毛骨皆靈香
逍遙竟八極婉媵凋三光采石一醉歸鯨背天茫茫
得意失意人於道皆有妨其言快人耳其事令心傷
雲罕下璇霄絳節麗朝霜下迎掃除者不問陶華陽
栢葉瞿仙童遠勝其師黃罔象獲玄珠智者空遑遑
竅爲聰明鑿羊用岐路亡才鬼與頑僊其寃安得當
僊成故不頑才鬼淪披猖余計業已失謀君安得減
弇州山人續稿

卷之七

十八

古體壽錢澹菴翁八十

昔人頽子淵於道實心冥一窺太山練遂尔銷神形
乃知元氣鍾厚薄良徑庭錢翁志聖學仰鑽無時停
苦行類攻玉雄談如建瓴頻宮何煌煌三十薦明經
四十歌鹿鳴五十對虞廷六十郎署間拮据不遑寧
真宰欲佚之爲汝匣青萍間放雪溪棹或脯若下醅
有時深玄觀有時稱獨醒七袞古已稀况乃加十齡
宛然兩顴紅上暎躡青勁翩凌秋空脩鱗縱大溟
翁曰毋云尔我欲固吾局不見衛武公大耋勤箴銘

逆宕散直我多思鑿性靈余有天一漿湛然殊清冷
當此陶唐世爲翁灌千奠

沈銀臺大樸園

隱侯賦郊居有圃非遠而春至百卉芬玆木鬱參差
疇爲當心者名撲了不奇直上三百尺旁樛千萬枝
雨雪避瀾漫日月爲蔽曆上覆柴葉廬下蔭中散池
微風蕩浮萍瑩作青琉璃時時手一編驕賜我何知
返照自西來胡牀與俱移檉柳不盈把樵採來相欺
豫章甫蔽牛匠石已見窺人命故匪長巧者復鑿之
請以莊生社咏爲大樸辭

弇州山人續稿

卷之七

十九

余老乞骸而汝師大司成亦在告聊成一章問

之

稱疾太學師真衰右司馬俱露乞骸童言尋故園社
天聽如許卑方舟問吳下葉榆我荏苒松桂君瀟灑
君以道不行我豈行道者所念各柱門濁醪難獨把
非繇惠德音何以徵風雅

弇州山人續稿卷之七

